

封神演義

内閣文庫	
番號	漢 17842
冊數	20 ( 12 )
函號	附 1 3

十二





新刻鍾伯敬先生批評封神演義卷之十二

第五十六回 子牙設計收九公

詩曰

姻緣前定果天然。須信紅絲足下牽。

敵國不妨成好合。仇讎應自得翩聯。

子牙妙計真難及。鸞使奇謀枉用偏。

總是天機難預料。紂王無福鎮乾坤。

話說散宜生出城。來至湯營。對旗門官曰。轅門將校。報與你鄧元帥得知。岐周差上大夫。散宜生有事求見。軍政官報進中軍。啟元帥。岐周差上大夫有事求



見得是

長吉招  
大多言  
取收天  
丁事未  
常不壞  
在此輩

見鄧九公曰。吾與他為敵國。為何差人來見我。必定來下說詞。豈可容他進營。惑亂軍心。你與他說。兩國正當爭戰之秋。相見不便。軍政官出營回復散宜生。宜生曰。兩國相爭。不阻來使。相見何方。吾此來奉姜丞相命。有事面決。非可傳聞。再煩通報。軍政官只得又進營來。把散宜生言語對九公訴說一遍。九公沉吟。傍有正印先行官太鸞。上前言曰。元帥乘此機會。放他進來。隨機應變。看他如何說。亦可就中取事。有何不可。九公曰。此說亦自有理。命左右請他進來。旗門官出轅門對散宜曰。元帥有請。散大夫下馬走進。

轅門進了三層鹿角。行至滴水簷前。鄧九公迎下來。散宜生鞠躬。口稱元帥。九公曰。大夫降臨。有失迎候。彼此遜讓行禮。後人有詩單讚子牙妙計。

詩曰

子牙妙美世無倫。學貫天人泣鬼神。

縱使九公稱敵國。藍橋也自結姻親。

話說二人遜至中軍。分賓主坐下。鄧九公曰。大夫你與我今為敵國。未決雌雄。彼此各為其主。豈得循私。妄議大夫今日見諭。公則公言之。私則私言之。不必效舌劍唇鎗。徒勞往返耳。予心如鐵石。有死而已。斷

九公也  
來得



入語一

不為浮言所搖。散宜生笑曰：吾與公既為敵國，安敢造次請見？只有一件大事，特來請一明示無他耳。昨因拿有一將，係是元帥門婿，於盤問中道及斯意。吾丞相不忍驟加極刑，以割人間恩愛，故命宜生親至轅門，特請尊裁。鄧九公聽說，不覺大驚曰：誰為吾婿？為姜丞相所擒。散宜生說：元帥不必故推，令婿乃土行孫也。鄧九公聽說，不覺面皮通紅，心中大怒，勵聲言曰：大夫在上，吾止有一女，乳名蟬玉，幼而喪母，吾愛惜不啻掌上之珠，豈得輕意許人？今雖及笄，所求者固眾，吾自視皆非佳婿，而土行孫何人，安有此說

漸入

也。散宜生曰：元帥暫行息怒，聽不才拜稟。古人相女配夫，原不專在門第。今土行孫亦不是無名小輩，彼原是夾龍山飛龍洞懼留孫門下高第。因申公豹與姜子牙有隙，故說土行孫下山來助元帥征伐西岐。昨日他師父下山捉獲行孫在城，因窮其所事，彼言所以雖為申公豹所惑，次為元帥以令愛相許，有此一段姻嫁，彼固傾心為元帥，而暗進岐城行刺，欲速成功，良有以也。昨已被擒，伏辜不枉，但彼再三哀求姜丞相，彼之師尊懼留孫曰：為此一段姻嫁，死不瞑目之語，即姜丞相與他師尊俱不肯赦，只予在傍勸



諒得更

此一語  
飛別妙  
甚

慰豈得以彼一時之過而斷送人間好事哉。因勸姜丞相暫且留人。宜生不辭勞頓。特謁元帥。懇求俯賜人間好事。曲成兒女恩情。此亦元帥天地父母之心。故宜生不避斧鉞。特見尊顏。以求裁示。倘元帥果有此事。姜丞相仍將土行孫送還元帥。以遂姻親。再決雌雄耳。併無他說。鄧九公曰。大夫不知。此土行孫安語耳。行孫乃申公豹所薦為吾先行。不過一牙門禪將。吾何得驟以一女許之哉。彼不過借此為偷生之計。以辱吾女耳。大夫不可輕信。宜生曰。元帥也不必固却此事。必有原故。難道土行孫平白與此一番言

可謂善  
子說詞  
妙甚妙  
甚

語。其中定有委曲。想是元帥或與酒後賞功之際。憐才惜枝之時。或以一言安慰其心。彼便妄認為實。作此癡想耳。九公被散。宜生此一句話。買出九公一腔心事。九公不覺答道。大夫斯言大是明見。當時土行孫被申公豹薦在吾麾下。吾亦不甚重彼。初為副先行。督糧使者。後因太鸞失利。彼恃其能。改為正先行。官首陣擒了哪吒。次擒黃天化。三次擒了姜子牙。被岐周眾將搶回。土行孫進營。吾見彼累次出軍獲勝。治酒與彼賀功。以盡朝廷獎賞功臣至意。及至飲酒中間。彼曰。元帥在上。若是早用末將為先行。吾取西



和盤托

岐多時矣。那時吾酒後失口許之曰：你若取了西岐，吾將嬋玉贅你為婿。一來是獎勵彼竭力為公，早完王事；今彼既以被擒，安得又妄以此言為口實，令大夫往返哉？散宜生笑曰：元帥此言差矣。大丈夫一言既出，駟馬難追。況且婚姻之事，人之大倫，如何作為兒戲之談？前日元帥言之，土行孫信之；土行孫又言之，天下共信之；傳與中外，人人共信。正所謂路上行人口似碑，將以為元帥相女配夫，誰信元帥權宜之術為國家行此不得已之深衷也。徒使令愛千金之軀，作為話柄，聞中美秀竟作口談，萬一不曲全此事。

打入妙

一券打

徒使令愛有白頭之嘆，吾切為元帥惜之。今元帥為湯之大臣，天下三尺之童無不奉命；若一旦而如此，吾不知所稅駕矣。乞元帥裁之。鄧九公被散宜生一番言語，說得默默沉思，無言可答。只見太鸞上前附耳說如此如此，亦是第一妙計。鄧九公聽太鸞之言，回愼作喜曰：大夫之言深屬有理，未將無不聽命。只小女因先妻早喪，幼而失教，予雖一時承命，未知小女肯聽此言。候予將此意與小女商確，再令人至城中回覆。散宜生只得告辭。鄧九公送至營門而別。散宜生進城，將鄧九公言語從頭至尾說了一遍。子牙

孔公已  
上了釣  
詞



大笑曰。鄧九公此計。怎麼瞞得我過。懼留孫亦笑曰。且看如何來說。子牙曰。動勞散大夫。俟九公人來。再爲謫議。宜生退去不表。且說鄧九公與太鸞曰。適纒雖是暫允。此事畢竟當如何處置。太鸞曰。元帥明日可差一能言之士。說昨日元帥至後營與小姐謫議。小姐已自聽允。只是兩邊敵國。恐無足取信。是必姜丞相親自至湯營納聘。小姐方肯聽信。子牙如不來。便罷。再爲之計。若是他肯親自來納聘。彼必無帶重兵自衛之理。如此只一匹夫可擒耳。若是他帶有將佐。元帥可出轅門迎接。至中軍用酒筵賺開他手下

只是此  
等計策  
如何瞞  
得過他

衆將預先埋伏。下驍勇將士。俟酒席中。擊盃爲號。擒之。如囊中之物。西岐若無子牙。則不攻自破矣。鄧九聞說大喜。先行之言。真神出鬼沒之機。只是能言快語之人。臨機應變之士。吾知非先行不可。乞煩先行。明日親往。則大事可成。太鸞曰。若元帥不以末將爲不才。鸞願往。管叫子牙親至中軍。不勞苦爭惡戰。早奏凱回軍。九公大喜。一宿晚景不題。次日鄧九公陞帳。命太鸞進西岐說親。太鸞辭別九公。出營至西岐城下。對守門官將曰。吾是先行官太鸞。奉鄧元帥命。欲見姜丞相。煩爲通報。守城官至相府。報與姜丞



相曰。城下有湯營。先行官太鸞。求見請令定奪。子牙聽罷。對懼留孫曰。大事成矣。懼留孫亦自暗喜。子牙對左右曰。速於我請來。守門官同軍校。至城下開了城門。對太鸞曰。丞相有請。太鸞怵怵進城。行至相府下馬。左右通報。太鸞進府。子牙於懼留孫降階而接。太鸞控背躬身言曰。丞相在上。末將不過馬前一卒。禮當叩見。豈敢當丞相如此過愛。子牙曰。彼此二國。俱係賓主。將軍不必過謙。太鸞再四遜謝。方敢就坐。彼此溫慰畢。子牙以言挑之曰。前者因懼道兄將上行孫擒獲。當欲斬首。彼因再四哀求。言鄧元帥曾有

子牙說  
得更緩

牽紅之約。乞我少緩須臾之死。故此着散大夫至鄧元帥中軍。問其的確。倘元帥果有此言。自當以土行孫放回。以遂彼兒女之情人間恩愛耳。幸蒙元帥見諾。俟議定回我。今將軍賜顧。元帥必有教我。太鸞欠身答曰。蒙丞相下問。末將敢不上陳。今特奉主帥之命。多拜上丞相。不及寫書。但主帥乃一時酒後所許。不意土行孫被獲。竟以此事倡明。主帥亦不敢辭。但主帥此女。自幼失母。主帥愛惜如珠。况此事須要成禮。後日乃吉日良辰。意欲散大夫同丞相親率土行孫入贅。以珍重其事。主帥方有體面。然後再面議軍



獻人竹  
髓不怕  
他不傾  
心相信

國之事。不識丞相允否。子牙曰。我知鄧元帥。乃忠信之士。但幾次天子有征伐之師至此。皆不由分訴。俱以強力相加。只我周這一段忠君愛國之心。併無背逆之意。不能見諒於天子之前。言之欲涕。今天假其便。有此姻嫁。庶幾將我等一腔心事。可以上達天子。表白於天下也。我等後日親送土行孫至鄧元帥行營。吃賀喜筵席。乞將軍善言道達。姜尚感激不盡。太鸞遜謝。子牙遂厚款太鸞而別。太鸞出得城來。至營門前。等令左右報入營中。有先行官等令鄧九公命帶來。太鸞至中軍。九公問曰。其事如何。太鸞將姜子

牙應允。後日親來言語。訴說一遍。鄧九公以手加額曰。天子洪福。彼自來送死。太鸞曰。雖然太事已成。但防備不可不謹。鄧九公分付。選有力量軍士三百人。各藏短刀利刃。埋伏帳外。聽擊盃為號。左右齊出。不論子牙眾將。一頓刀剝為肉醬。眾將士得令而退。命趙昇領一枝人馬埋伏營左。候中軍砲響。殺出接應。又命孫焰紅領一枝人馬埋伏營右。候中軍砲響。殺出接應。又命太鸞與子鄧秀。在轅門賺住眾將。又分付後營小姐鄧嬋玉。領一枝人馬。為三路救應使。鄧九公分付停當。專俟後日行事。左右將佐。俱去安排。



不表。且說子牙送太鸞出府。歸與懼留孫。謫議曰。必須如此。如此大事可成。光陰迅速。不覺就是第三日。先一日子牙命楊戩變化。暗隨吾身。楊戩得令。子牙命選精力壯卒五十名。裝作擡禮腳夫。辛甲。辛卯。太顛。閔天。四賢。八俊等。克作左右應接之人。俱各藏暗兵利刃。又命雷震子。黃天化。領一枝人馬。搶他左哨。殺入中軍接應。再命哪吒。南宮适。領一枝人馬。搶他右哨。殺入中軍接應。金吒。木吒。龍鬚虎。統領大隊人馬。救應搶親。子牙俱分付暗暗出營埋伏。不表。怎見得有詩爲証。

詩曰

湯營此日瑞筵開。

專等鷹揚大將來。

孰意子牙籌畫定。

中軍砲響搶喬才。

且說鄧九公。其日與女嬋玉。謫議曰。今日子牙送土行孫入贅。原是賺子牙出城。擒彼成功。吾與諸將分剖已定。你可將掩心甲繫束。以備搶將接應。其女應允。鄧九公陞帳。分付舖氈搭彩。候候子牙不題。且說子牙。其日使諸將裝扮停當。乃命土行孫至前聽令。子牙曰。你同至湯營。看吾號砲一響。你便進後營。搶鄧小姐要緊。土行孫得令。子牙等至午時。命散宜生。



圓 圈套甚

先行子牙方出了城。望湯營進發。宜生先至轅門。太  
 鸞接着報于九公。九公降階至轅門迎接。散大夫宜  
 生曰。前蒙金諾。今姜丞相已親自壓禮。同令婿至此。  
 故特令下官先來通報。鄧九公曰。動煩大夫往返。尚  
 容申謝。我等在此立等。何如。宜生曰。恐驚動元帥。不  
 便。鄧九公曰。不妨。彼此等候良久。鄧九公遠遠望見  
 子牙。乘四不相。帶領脚夫。一行不尚五六十人。併無  
 甲冑兵刃。九公看罷。不覺暗喜。只見子牙同衆人行  
 至轅門。子牙見鄧九公。同太鸞散宜生俱立候。子牙  
 慌忙下騎。鄧九公迎上前來。打躬曰。丞相大駕降臨。

不才未得遠接。望乞怒罪。子牙忙答禮曰。元帥盛德。  
 姜尚久仰芳譽。無緣未得執鞭。今幸天緣得罄委曲。  
 姜尚不勝幸甚。只見懼留孫同土行孫上前行禮。九  
 公問子牙曰。此位是誰。子牙曰。此是土行孫師父。懼  
 留孫也。鄧九公忙致款曲曰。久仰仙名。未曾拜識。今  
 幸降臨。足慰夙昔懼留孫亦稱謝畢。彼此遜讓。進得  
 轅門。子牙睜睛觀看。只見肆筵設席。結彩懸花。極其  
 華美。怎見得。有詩為証。

詩曰

結彩懸花氣象新。

麝蘭香靄襯重茵。



屏開孔雀千年瑞。色映芙蓉萬谷春。

金鼓兩傍藏殺氣。笙簫一派鬱荆榛。

孰知天意歸周主。十萬貔貅化鬼燐。

俱會幫

話說子牙正看筵席。猛見兩邊殺氣上冲。子牙已知就裡。便與土行孫眾將。丟個眼色。眾人已解其意。俱襯上帳來。鄧九公與子牙諸人行禮畢。子牙命左右擡上禮來。鄧九公方纔接禮單看玩。只見辛甲暗將信香取出。忙將擡盒內大砲燃着。一聲砲嚮。恍若地塌天崩。鄧九公吃了一驚。及至看時。只見脚夫一擁而前。各取出暗藏兵器。殺上帳來。鄧九公措手不及。

看

只得望後就跑。太鸞與鄧秀見勢不借。也望後逃走。只見四下伏兵盡起。喊聲振天。土行孫綽了兵器。望後營來。搶鄧嬋玉小姐。子牙與眾人俱各搶上馬騎。各執兵刃。廝殺那三百名刀斧手。如何抵當得住。及至鄧九公等上得馬出來迎戰時。營已亂了。趙昇聞砲自左營殺來接應。孫焰紅聽得砲嚮。從右營殺來接應。俱被辛甲辛免等分投截殺。鄧嬋玉方欲前來接應。又被土行孫敵住。彼此混戰。不意雷震子黃天化。哪吒南宮适兩枝人馬。從左右兩邊裹來。成湯人馬。反在居中。首尾受敵。如何抵得住。後面金吒木吒



倒會槍  
老婆

等大隊人馬掩殺上來。鄧九公見勢不好，敗陣而走。軍卒自相殘踏，死者不計其數。鄧嬋玉見父親與眾將敗下陣去，也虛閃一刀往正南上逃走。土行孫知嬋玉善於發石傷人，遂用細仙繩祭起，將嬋玉細了。跌下馬來，被土行孫上前綽住，先擒進西岐城去了。子牙與眾將追殺鄧九公，有五十餘里，方鳴金收軍進城。鄧九公與子鄧秀、併太鸞、趙昇等，只至岐山下，方纔收集敗殘人馬，查點軍卒，見沒了小姐，不覺傷感，指望擒拿子牙，孰知反中奸計，追悔無及，只得暫扎住營寨不表。且說子牙與懼留孫大獲全勝進城。

陞銀安殿坐下。諸將報功畢，子牙對懼留孫曰：「命土行孫乘今日吉日良時，與鄧小姐成親，何如？」懼留孫曰：「貧道亦是此意。時不宜遲，子牙命土行孫，你將鄧嬋玉帶至後房，乘今日好日子，成就你夫婦美事。明日我另有說話。」土行孫領命，子牙又命侍兒，攙鄧小姐到前日安置新房內去，好生伏侍。鄧小姐嬌羞無那，含淚不語，被左右侍兒挾持往後房去了。子牙命諸將吃賀喜酒席不題。且說鄧小姐攙至香房，土行孫上前迎接。嬋玉一見土行孫，笑容可掬，便自措身無地，泪雨如傾，默默不語。土行孫又百般安慰。嬋玉



原懶不起

不覺怒起罵曰無知匹夫賣主求榮。你是何等之人。敢妄自如此。土行孫陪着笑臉答曰小姐雖千金之軀。不才亦非無名之輩。也不辱沒了你。况小姐曾受我療疾之恩。又是你尊翁太山親許與我。俟行刺武王。回兵將小姐入贅。人所共知。且前日散大夫先進營。與尊翁面訂。今日行聘入贅。丞相猶恐尊翁推托。故畧施小計。成此姻嫁。小姐何苦固執。嬋玉曰我父親許散宜生之言。原是賺姜丞相之計。不意悞中奸謀。落在彀中。有死而已。土行孫曰小姐差矣。別的好做口頭話。夫妻可是暫許得的。古人一言爲定。豈可

失信。况我等俱是闡教門人。只因悞聽申公豹唆使。故投尊翁帳下。以圖報效。昨被吾師下山擒進西岐。責吾暗進西城。行刺武王。姜丞相有辱闡教。背本忘師。逆天助惡。欲斬吾首。以正軍法。吾哀告師尊。姜丞相定欲行刑。吾只得把初次擒哪吒黃天化尊翁泰山。晚間飲酒。將小姐許我。俟旋師命吾入贅。我只因欲就親事之心。急不得已。方暗進西岐。吾師與姜丞相聽得斯言。指指一笑。乃曰此子該與鄧小姐有紅絲繫足之緣。後來俱是周朝一殿之臣。因此赦吾之罪。命散大夫作伐。小姐你想若非天緣。尊翁怎麼肯



隱至此  
鄧小姐  
折已自心

土行孫  
也善為  
說詞

小姐焉能到此。况今紂王無道。天下叛離。累伐西岐。不過魔家四將。聞太師十洲三島仙眾。皆自取滅。不能得志。天意可知。順逆已先。又何况尊翁區區一旅之師哉。古云。良禽相木而棲。賢臣擇主而仕。小姐今自固執。三軍已知土行孫成親。小姐縱水清玉潔。誰人信哉。小姐請自三思。鄧嬋玉被土行孫一席話。說得低頭不語。土行孫見小姐畧有回心之意。又近前促之曰。小姐自思。你是香閨艷質。天上奇葩。不才乃夾龍山門徒。相隔不啻天淵。今日何得與小姐親體相親。情同夙覲。便欲上前強牽其衣。小姐見此光

心習已  
評故以  
此托之  
耳

極極好  
先景其  
才竟能  
心顛者  
我希

景不覺粉面通紅。以手拒之曰。事雖如此。豈得用強。候我明日請命與父親。再成親不遲。土行孫此時情與已迫。按納不住。上前一把樓定。小姐抵死拒住。土行孫曰。良時吉日。何必苦推。有悞佳期。竟將一手去解其衣。小姐雙手推托。彼此扭作一堆。小姐終是女流。如何敵得土行孫過。不一時滿面汗流。喘吁氣急。手已酸軟。土行孫乘隙將右手插入裏衣。嬋玉及至以手擋抵。不覺其帶已斷。及將雙手摺住裏衣。其力愈怯。土行孫得空。以手一抱。暖玉温香。已貼滿胸懷。檀口香腮。輕輕緊搵。小姐嬌羞無主。將臉左右閃賺。



賊見識

不得流淚滿面曰。如是恃強定死不從。土行孫那裡肯放。死死壓住。彼此推扭。又有一個時辰。土行孫見小姐終是不肯順從。乃詒之曰。小姐既是如此。我也不敢用強。只恐小姐明日見了尊翁變卦。無以為信耳。小姐忙曰。我此身以屬將軍。安有變卦之理。只將軍肯憐我。容我見過父親。庶成我之節。若是有負初心。定不逢好死。土行孫曰。既然如此。賢妻請起。土行孫將一手樓抱其頸。輕輕扶起。鄧嬋玉以為真心。放他起來。不會隄防。將身起時。使用一手推開土行孫之手。土行孫乘機將雙手插入小姐腰裏。抱緊了一

此時不得行權

好光景

摺腰已鬆了。裏衣逕往下一卸。鄧嬋玉被土行孫所美。及落手相持時。已被雙肩隔住手。如何下得來。小姐展掙不住。不得已言曰。將軍薄倖。既是夫妻。如何哄我。土行孫曰。若不如此。賢妻又要千推萬阻。小姐惟閉目不言。嬌羞滿面。任土行孫解帶脫衣。二人扶入錦被。嬋玉對土行孫曰。賤妾係香閨幼稚。不識雲雨。乞將軍憐護。土行孫曰。小姐嬌香艷質。不才飲德久矣。安敢狂逞。正是翡翠衾中。初試海棠新血。鴛鴦枕上。漫飄桂蕊奇香。彼此溫存。交相慕戀。極人間之樂。無過此時矣。後人有詩單道子牙妙計。成就二人



美滿前程。

詩曰

妙笑神機說子牙。

運籌帷幄更無差。

百年好事今朝合。

莫把紅絲孟浪誇。

話說土行孫與鄧嬋玉成就夫妻。一夜晚景已過。次日夫妻二人起來梳洗已畢。土行孫曰：我二人可至前殿叩謝姜丞相與我尊師撫育成就之恩。嬋玉曰：此事固當要謝。但我父親昨日不知敗於何地。豈有父子事兩國之理。乞將軍以此意道達于姜丞相。得知作何區處。方保兩全。土行孫曰：賢妻之言是也。伺

上殿時就講此事。話猶未了。只見子牙陞殿。眾將上殿參謁畢。土行孫與鄧嬋玉夫妻二人上前叩謝。子牙曰：鄧嬋玉今屬周臣。爾父尚抗拒不服。我欲發兵前去擒勦。但你係他骨肉至親。當如何區處。土行孫上前曰：嬋玉適纏正為此事。與弟子謫議。懇求師叔開惻隱之心。設一計策。兩全其美。此師叔莫大之恩也。子牙曰：此事也不難。若嬋玉果有真心為國。只消得親自去說他父親歸周。有何難處。但不知嬋玉可肯去否。鄧嬋玉上前跪而言曰：丞相在上。賤妾既已歸周。豈敢又蓄兩意。早辰嬋玉已欲自往說父親降。

自然真



天驚好  
計美得  
承清片  
解

周惟恐丞相不肯信妾真情。致生疑慮。若丞相肯命  
妾說父歸降。自不勞張弓設箭。妾父自為周臣耳。子  
牙曰。我斷不疑小姐反復。只恐汝父不肯歸周。又生  
事端耳。今小姐既欲親往。吾撥軍校隨去。嬋玉拜謝  
子牙。領兵卒出城。望岐山前來不表。且說鄧九公收  
集殘軍。駐劄一夜。至次日陞帳。其子鄧秀。太鸞。趙昇。  
孫焰紅。侍立。九公曰。吾自行兵以來。未嘗遭此大辱。  
今又失吾愛女。不知死亾。正是羊觸藩籬。進退兩難。  
奈何。奈何。太鸞曰。元師可差官齎表進朝告急。一面  
探聽小姐下落。正遲疑間。左右報曰。小姐領一枝人

說得妙  
甚畢竟  
是嬋玉  
華似父  
親

馬打西周旗號。王轅門等令太鸞等驚愕不定。鄧九  
公曰。令來。左右開了轅門。嬋玉下馬進轅門來。至中  
軍。雙膝跪下。鄧九公看見如此行徑。慌立起問曰。我  
兒。這是如何說。嬋玉不覺流淚。言曰。孩兒不敢說。鄧  
九公曰。你有甚冤屈。站起來說。無妨。嬋玉曰。孩兒係  
深閨幼女。此事俱是父親失言。美巧成拙。父親平空  
將我許了土行孫。勾引姜子牙。做出這番事來。將我  
擒入西岐。強逼為婚。如今追悔何及。鄧九公聽得此  
言。謊得魂飛天外。半晌無言。嬋玉又進言曰。孩兒今  
已失身。為土行孫妻子。欲保全爹爹一身之禍。不得



不來說明。今紂王無道。天下分崩。三分天下有二歸周。其天意人心。不卜可知。縱有聞太師。魔家四將。與十洲三島真仙。俱皆滅亡。順逆之道。明甚。今孩兒不孝。歸順西岐。不得。不以利害與父親言之。父親今以愛女。輕許敵國。姜子牙親進湯營。行禮。父親雖是賺辭。誰肯信之。父親況且失師辱國。歸商自有顯戮。孩兒乃奉父命。歸適良人。自非私奔桑濮之地。父親亦無罪。孩兒之處。父親若肯依孩兒之見。歸順西周。改邪歸正。擇主而仕。不但骨肉可以保全。實是棄暗投明。從順。揠逆。天下無不忻悅。九公被女兒一番言語。

講得明

說得大是有理。自己沉思。欲奮勇行師。眾寡莫逆。欲收軍還國。事屬嫌疑。沉吟半晌。對嬋玉曰。我兒。你是我愛女。我怎的捨得你。只是天意如此。但我羞入西岐。屈膝與子牙耳。如之奈何。嬋玉曰。這有何難。姜丞相虛心下士。併無驕矜。父親果真降周。孩兒願先去說明。令子牙迎接。九公見嬋玉如此說。命嬋玉先行。鄧九公領眾軍將。歸順西岐。不題。且說鄧嬋玉先至西岐城。入相府對子牙。將上項事。訴說一遍。子牙大喜。命左右排隊武出城。迎接鄧元帥。左右聞命。俱披執迎接。里餘之地。已見鄧九公軍卒來至。子牙曰。元



手補漢書 卷之十一  
帥請了九公連在馬上欠背躬身曰末將才疎智淺致蒙譴責理之甯然今以納降望丞相恕罪子牙忙勒騎向前携九公手並轡而言曰今將軍既知順逆棄暗投明俱是一殿之臣何得又分彼此况令愛又歸吾門下師侄吾又何敢賺將軍哉九公不勝感激二人叙至相府下馬進銀安殿重整筵席同諸將飲慶賀酒一宿不題次日見武王朝賀畢且不言鄧九公歸周只見探馬報入汜水關韓榮聽得鄧九公納降將女私配敵國韓榮飛報至朝歌有上大夫張謙看本見此報大驚忙進內打聽皇上在摘星樓只得

上樓啓奏左右見上大夫進疏慌忙奏曰啓陛下今有上大夫張謙候旨紂王聽說命宣上樓來張謙聞命上樓至滴水簷前拜畢紂王曰朕無旨宣卿卿有何奏章就此批宣張謙俯伏奏曰今有汜水關韓榮進有奏章臣不敢隱匿雖觸龍怒臣就死無辭紂王聽說命當駕官即將韓榮本拿來朕看張謙忙將韓榮本展于紂王龍案之上紂王看未完不覺大怒曰鄧九公受朕大恩今一旦歸降叛賊情殊可恨待朕陞殿與臣共議定拿此一班叛臣明正伊罪方泄朕恨張謙只得退下樓來候天子臨軒只見九間殿上



鍾鼓齊鳴。衆官聞知。忙至朝房伺候。須臾孔雀屏開。紂王駕臨。登寶座傳旨。命衆卿面議。衆文武齊至御前。俯伏候旨。紂王曰。今鄧九公奉詔征西。不但不能伐叛。奏捷反將已女私婚敵國。歸降逆賊。罪在不赦。除擒拿逆臣家屬。外必將逆臣挈獲。以正國法。卿等有何良策。以彰國之常刑。紂王言未畢。閃中諫大夫飛廉出班奏曰。臣觀西岐抗禮拒敵。罪在不赦。然征伐大將得勝者。或有捷報御前。失利者懼罪。卽歸伏西土。何日能奏捷音也。依臣愚見。必用至親骨肉之臣。征伐庶無二者之虞。且與國同爲休戚。自無不奏。

捷者。紂王曰。君臣父子。總係至戚。又何分彼此哉。飛廉奏曰。臣保一人征伐西岐。姜尚可擒。大功可奏。紂王曰。卿保何人。飛廉奏曰。要克西岐。非冀州侯蘇護不可。一爲陛下國戚。二爲諸侯之長。凡事無有不用力者。紂王聞言大悅。卿言甚善。卽令軍政官速發黃旄白鉞。使命齎詔前往冀州。不知勝負如何。且聽下回分解。

總批 子牙收伏鄧九公。其計雖巧。然非散宜生之舌辨。不足以成其巧。非太鸞之贊助。不足以終其巧。此正謂天機湊合。特借人力以曲全。



之耳。若專以人力。巧謀曲取。固不可。若專任天緣。奏合亦不可。惟善於乘時者。自識之。又批。天下事有好姻嫁。有惡姻嫁。好姻嫁是男女相悅。六禮以備。媒妁納好。父母之命。此之為順。惡姻嫁。是彼此仇讎。兩家敵國。或千難百折。情非素交。反因此而不得。成此之為逆。若土行孫既歸西岐。與鄧九公已為讎敵。反因太鸞之計。以遂牽紅。此殆非天意而何。雖然太鸞之計。固拙于謀國。未嘗不有功于土行孫兩人。便當築臺拜謝。

第五十七回

冀州侯蘇護代西

詩曰

蘇侯有意欲歸周。紂主江山似浪浮。

紅日已隨山後卸。落花空逐水東流。

人情久欲投明聖。世局翻為急浪舟。

貴戚親臣皆已散。獨夫猶自臥紅樓。

話說天使離了朝歌。前住冀州。一路無詞。翌日來至冀州館驛。安下。次日報至蘇侯府內。蘇侯即至館驛接旨。焚香拜畢。展詔開讀。

詔曰。朕聞征討之命。皆出于天子。關外之寄。實出



于元戎建立功勳威鎮海內皆臣子分內事也茲  
西岐姬發肆行不道抗拒王師情殊可恨特勅爾  
冀州侯蘇護總督六師前往征伐必擒獲渠魁殄  
滅禍亂侯旋師奏捷朕不惜茅土以待有功爾其  
勗哉特詔。

話說蘇侯開讀旨意畢心中大喜管待天使齊送程  
費打發天使起程蘇侯暗謝天地曰今日吾方得洗  
一身之冤以謝天下忤令後廳治酒與子全忠夫人  
楊氏共飲曰我不幸生女如已進上朝歌誰想這賊  
人盡違父母之訓無端作孽迷惑紂王無所不為使

雖然利  
惡貫盈  
蘇侯不  
得善也  
思之

天下諸侯銜恨于我今武王仁德播于天下三分有  
二盡歸于西周不意昏君反命吾征伐吾得生平之  
願我明日意欲將滿門良眷帶在行營至西岐歸降  
周主共享太平然後會合諸侯共伐無道使我蘇護  
不得遺笑于諸侯受譏于後世亦不失丈夫之所為  
耳夫人大喜將軍之言甚善正是我母子之心且說  
次日殿上鼓響眾將軍參見蘇護曰天子勅下命吾  
西征眾將整備起行眾將得令整點十萬人馬即日  
祭寶纛旗收拾起兵同先行官趙丙孫子羽陳光五  
軍救應使鄭倫即日離了冀州軍威甚是雄偉怎見



得。有讚爲証讚曰。

殺氣征雲起。金鑼鼓又鳴。旛幢遮瑞日。劍戟鬼神驚。平空生霧彩。遍地長愁雲。閃翻銀葉甲。撥轉皂雕弓。人似離山虎。馬如出水龍。頭盔生燦爛。鎧甲砌龍鱗。離了冀州界。西土去安營。

蘇侯行兵非止一日。有探馬報入中軍。前是西岐城下。蘇侯傳令安營結寨。陞帳坐下。衆將參謁立起。帥旗。且說子牙。在相府收四方諸侯本。請武王伐紂。忽報馬入府。啓老爺。冀州侯蘇護來伐西岐。子牙問黃飛虎曰。久聞此人善能肩兵。黃將軍必知其人。請言其概。黃飛虎曰。蘇護秉性剛直。不似諂媚無骨之夫。名爲國戚。與紂王有隙。一項要歸周。時常有書至末將處。此人若來。必定歸周。再無疑惑。子牙聞言大悅。且說蘇侯。三日未來請戰。黃飛虎上殿。見子牙曰。蘇侯按兵不動。待末將探他一陣。便知端的。子牙許之。飛虎領令。上了五色神牛。出得城來。一聲炮響。立于轅門。大呼曰。請蘇侯答話。探馬報入中軍。蘇侯令先行官見陣。趙丙領令上馬。提方天戟。逕出轅門。認的是武成王黃飛虎。趙丙曰。黃飛虎。你身爲國戚。不思報本。無故造反。致起禍端。使生民塗炭。屢年征討不

討申演義 卷之十一 十一



息。今奉旨特來擒你。尚不下馬受縛，猶自支吾。搖戟刺來。黃飛虎將鎗架住。對趙丙曰：你好好回去，請你王將出來答話。吾自有道理。你何必自逞其強也。趙丙大怒，既奉命來，擒你報功，豈得猶以語言支吾。又一戟刺將來。黃飛虎大怒，好大膽匹夫。焉敢連刺吾兩戟，催開神牛。手中鎗赴面交還。牛馬相交，鎗戟并舉，怎見得。

二將陣前勢無比。發開牛馬定生死。這一箇鋼鎗搖動鬼神愁。那一箇畫戟展開分彼此。一來一往勢無休。你生我活誰能已。從來惡戰不尋常。攪海

翻江無底止。

話說黃飛虎大戰趙丙，二十四合被飛虎生擒活捉。拿解相府來。見子牙，報入府中。子牙令飛虎進見。將軍出陣勝負若何。飛虎曰：生擒趙丙，聽令定奪。子牙命推來。士卒將趙丙擁至殿前。趙丙立而不跪。子牙

是漢字

曰：既已被擒，尚何得抗禮。趙丙曰：奉命征討，指望成功，不幸被執，唯死而已。何必多言。子牙傳令：暫且囚於禁中。且說蘇侯聞報，趙丙被擒，低首不語。只見鄭倫在傍曰：君候在上，黃飛虎自恃強暴，待明日拿來，解往朝歌，免致生靈塗炭。次日鄭倫上了火眼金精



獸提了降魔杵。往城下請戰。左右報入相府。子牙令黃將軍出陣走一遭。飛虎領令出城。見一員戰將。面如紫棗。十分暴惡。騎着火眼金睛獸。怎見得。有詩爲証。詩曰。

道術精奇別樣粧

降魔寶杵世無雙

忠肝義膽堪稱誦

無奈昏君酒色荒

話言飛虎大呼曰。來者何人。鄭倫曰。吾乃蘇侯麾下。鄭倫是也。黃飛虎你這箇叛賊。爲你屢年征伐。百姓遭殃。今天兵到日。尚不免戈伏誅。意欲何爲。飛虎曰。鄭倫你且回去。請你主將出來。吾自有說話。你若是

不知機變。如趙丙自投陷身之禍。鄭倫大怒。掄杵就打。黃飛虎手中鎗。急架相還。二獸相交。鎗杵併舉。兩家大戰。三十回合。鄭倫把杵一擺。他有三千烏鴉兵。走動。行如長蛇之勢。鄭倫竅中。兩道白光。往鼻子裡出來。宮的一聲嚮。黃將軍正是。

見白光三魂卽散。

聽聲嚮。撞下鞍韉。

烏鴉兵用撓鈞搭住。一躡上前。拿翻。剥了衣甲。繩纏索綁。飛虎上了繩子。二目方睜。飛虎點首曰。今日之擒。如同做夢一般。真是心中不服。鄭倫掌得勝鼓。回營來。見蘇侯。上帳報功。今日生擒反叛。黃飛虎至轅



門請令發落。蘇侯令推來。小效將飛虎推至帳前。飛虎曰。今被邪術受擒。愿請一死。以報國恩。蘇侯曰。本當斬首。且監侯留解。朝歌請天子定罪。左右將黃飛虎送下後營。且說報馬報入相府。言黃飛虎被擒。子牙大驚曰。如何擒去。掠陣官啓曰。蘇侯麾下有一鄭倫與武成王正戰之間。只見他鼻子裡放出一道白光。黃將軍便墜騎被他拿去。子牙心下十分不樂。又是左道之術。只見黃天化在傍。聽見父親被擒。恨不得平吞了鄭倫。當日晚間不題。次日天化上帳請令出陣。以探父親消息。子牙許之。天化領令上了玉麒麟。

麟出城請戰。探馬報入營中。有將請戰。蘇侯曰。誰去見陣。走一遭。鄭倫答曰。愿往。上了金精獸。砲聲响處。來至陣前。黃天化曰。爾乃是鄭倫擒武成王者。是你不要走。吃吾一鎚。一似流星閃灼光輝。呼呼風響。鄭倫忙將杵。劈面相還。二將交兵。未及十合。鄭倫見天化腰束着絲絲。是個道家之士。若不先下手。恐反遭其害。把杵望空中一擺。烏鴉兵齊至。如常蛇一般。鄭倫鼻竅中。一道白光吐出。如鍾鳴一樣。天化看見白光出竅。耳聽其聲。坐不住。玉麒麟翻身落騎。烏鴉兵依舊把天化綁縛起來。急自睜開眼。不知其身已受

其術更妙



綁縛鄭倫又擒黃天化進營來見鄭倫曰末將擒黃天化已至轅門等令蘇侯令推至中軍見天化眼光暴露威風凜凜一表非俗立而不跪蘇侯命也監候後營黃天化入後營看見父親監禁在此大呼曰爹爹我父子遭妖術成擒心中盛是不服飛虎曰雖是如此當思報國按下黃家父子且說探馬報入相府黃天化又被擒去子牙大驚黃將軍說蘇侯有意歸周不料擒他父子子牙心中納悶且說鄭倫捉了二將軍威甚盛次日又來請戰探馬報入相府子牙急令何人走遭言未畢土行孫答曰弟子歸周寸功未

婦玉甲  
竟看得  
丈夫重

立愿去走一遭探其虛實何如子牙許之土行孫方領令出府傍有鄧嬋王上前告曰末將父子蒙恩當得掠陣子牙併許之鄭倫聽得城內砲响見兩扇門開旗旛磨動見一女將飛來怎見得有詩為証

詩曰

此女生來錦織成  
腰肢一搦體輕盈

西岐山下歸明主  
留得芳名照汗青

語言鄭倫見城內女將飛馬而來不會看見土行孫出來土行孫生得矮小鄭倫只看了前面未曾照着面前土行孫大呼曰那匹夫你看那裡鄭倫往下一



豈得小  
觀行孫

看見是箇矮子。鄭倫笑曰。你那矮子。來此做甚麼。土  
行孫曰。吾奉姜丞相將令。特來擒爾。鄭倫復大咲曰。  
看你這廝。形似纓孩。乳毛未退。敢出大言。自來送死。  
土行孫聽見。罵他甚是卑微。大叫好匹夫。焉敢辱我。  
使開鉄棍。一滾而來。就打金精獸的蹄子。鄭倫急用  
杵來迎架。只是撈不着。大抵鄭倫坐的高。土行孫身  
子矮小。故此往下打費力。幾個回合。把鄭倫掙了一  
身汗。及不好用力。心裡焦燥起來。把杵一悞。那烏鴉  
兵飛走而來。土行孫不知那裡帳。鄭倫把鼻子裡白  
光噴出。啞然有聲。土行孫眼看耳聽。魂魄盡散。一交

行孫真  
是遊戲  
三昧

跌在地下。烏鴉兵把土行孫拿了。綁將起來。土行孫  
睜開眼。見渾身上。了繩子。道聲噫。到有趣。土行孫綁  
着。看着鄧嬋玉走馬大呼曰。匹夫。不必逞凶擒將。把  
刀飛來直取。鄭倫手中杵。劈面打來。嬋玉未及數合。  
撥馬就走。鄭倫不趕。佳人掛下刀。取五光石。側坐鞍  
轡。回手一石。正是。

從來暗器最傷人

自古婦人爲更毒

鄭倫改呀的一聲。面上着傷。敗回營中。來見蘇候。蘇  
候曰。鄭倫你失機了。鄭倫吞曰。拿了一個矮子。纔待  
回營。不意有一員女將來戰。未及數合。回馬就走。未



將不曾趕他。他便回手一石，急自躲時，面上已着了傷。如今那箇矮子，拿在轅門聽令。蘇侯傳令推將進來。衆將卒將土行孫簇擁推至帳下。蘇侯曰：「這樣將官，拿他何用，推出去斬了。」土行孫曰：「且不要斬，我回去說個信來。」蘇侯咲曰：「這是個獸子，推出斬了。」土行孫曰：「你不肯，我就跳了。」衆人大咲。正是：

仙家秘授真奇妙

迎風一混影無踪

衆人一見大驚，忙至帳前。來稟啓元帥方纔將矮子推出轅門，他把身子一扭，就不見了。蘇侯嘆曰：「西岐異人甚多，無怪屢次征伐，俱是片甲不回，無能取勝。」

嗟嘆不已。鄭倫在傍，只是切齒，自己用丹藥敷貼，欲報一石之恨。次日鄭倫又來請戰，坐名要女將鄧嬋玉就要出馬。子牙曰：「不可，他此來必有深意。」哪吒應曰：「弟子愿往。」子牙許之。哪吒上了風火輪，出城大呼曰：「來者可是鄭倫？」鄭倫答曰：「然也。」哪吒不答話，登輪就殺。鄭倫急用杵相還，輪獸交兵，怎見得有讚爲証。讚曰：

哪吒怒發氣吞牛，鄭倫惡性展雙眸。火尖鎗擺噴雲霧，寶杵施開轉捷稠。這一個傾心輔佐周王駕，那一個有意能分紂主憂。二將大戰西岐地，海沸



話說鄭倫大戰哪吒。恐哪吒先下手。把杵一擺。烏鴉如長蛇陣一般。都拿着撓鈎套索。前來等着。哪吒看見心下着忙。只見鄭倫對着哪吒一聲哼。哪吒無魂魄。怎能跌得下輪來。鄭倫見用此術。不能嚮應。大驚曰。吾師秘授。隨時嚮應。今日如何不驗。又將白光吐出。鼻子竅中。哪吒見頭一次不驗。第二次就不理他。鄭倫着忙。連哼第三次。哪吒笑曰。你這匹夫。害的是甚麼病。只管哼。鄭倫大怒。把杵劈頭亂打。又戰三十回合。哪吒把乾坤圈。祭在空中。一圈打將下來。鄭倫

焉得有

難逃此厄。正中胸背。只打得筋斷骨拆。幾乎墜騎。敗回行營。哪吒得勝。回來見子牙。將鄭倫如此如彼。被乾坤圈打傷。敗回去。說了一遍。子牙大喜。上了哪吒功不表。且說蘇侯在中軍。聞鄭倫失機。來見蘇侯。見鄭倫着傷。跣立不住。其實難當。蘇侯借此要說鄭倫。乃慰之曰。鄭倫觀此。天命有在。何必強為。前聞天下諸侯歸周。俱欲共伐無道。只聞太師屢欲扭轉天心。故此俱遭屠戮。實生民之難。我今奉勅征討。你得功。莫非暫時僥倖耳。吾見你着此重傷。心下甚是不忍。我與你名爲主副之將。實有手足之情。今見天下紛



紛刀兵未息。此乃國家不祥。人心天命可知。昔堯帝之子丹朱不肖。堯崩。天下不歸丹朱。而歸于舜。舜之子商均亦不肖。舜崩。天下不歸商均。而歸于禹。方今世亂如麻。真假可見。從來天運循環。無往不復。今主上失德。暴虐亂常。天下分崩。黯然氣象。莫非天意也。我觀你遭此重傷。是上天警醒你我耳。我思順天者昌。逆天者亡。不若歸周。共享安康。以伐無道。此正天心人意。不卜可知。你意下如何。鄭倫聞言。正色大呼曰。君侯此言差矣。天下諸侯歸周。君侯不比諸侯。乃是國戚。國亡與亡。國存與存。今君侯受紂王莫大之

鄭倫還  
是丈夫

恩。娘娘享宮闈之寵。今一但負國爲之不義。今國事艱難。不思報効。而欲歸反叛。爲之不仁。鄭倫切爲君侯不取也。若爲國捐生。捨身報主。不惜血肉之軀。以死自誓。乃鄭倫忠君之愿。其他非所知也。蘇護曰。將軍之言雖是。古云良禽擇木而棲。賢臣擇主而事。古人有行之。不損令名者。伊尹是也。黃飛虎官居王位。今主上失德。有乖天意。人心思亂。故捨紂而歸周。鄧九公見武王子牙。以德行仁。知其必昌。紂王無道。知其必亡。亦捨紂而從周。所以人要見機。順時行事。不失爲智。你不可執迷。恐後悔無及。鄭倫口。君侯既有



說得極

歸周之心。我決然不順從于反賊。待我早間死後。君侯早上歸周。我午後死。君侯午後歸周。我忠心不改。此頸可斷。心不可汗。轉身回帳。調養傷痕。不提。且說蘇侯退帳。沉思良久。命蘇全忠。後帳治酒。二鼓時分。命全忠往後營。把黃飛虎父子放了。請到帳前。蘇護下拜。請罪言曰。末將有意歸周久矣。黃飛虎忙答拜曰。今蒙盛德。感賜再生。前聞君侯。意欲歸周。使我心懷渴想。喜如雀躍。故末將纔至營前。欲會君侯。問其虛實耳。不期被鄭倫所擒。有辱君命。今蒙開其生路。有何分付。愚父子惟命是從。蘇護曰。不才久欲歸周。

不能得便。今奉勅西征。實欲乘機歸順。怎奈偏將鄭倫。堅執不允。我將言語。開說上古。順逆有歸之語。他只是不從。今特設此酒。請大王公子。少叙心曲。以贖不才冒瀆之罪。飛虎曰。君侯既肯歸順。宜當速行。雖是鄭倫執拗。只可用計除之。大丈夫先立功業。共扶明主。垂名竹帛。豈得區區效匹夫匹婦之小忠小諒哉。酒至三更。蘇護起身言曰。大王賢公子。出後糧門。回見姜丞相。把不才心事。呈與丞相。以知吾之心腹也。遂送黃飛虎父子回城。飛虎至城下。叫門。城上聽的是武成王。不敢夤夜開門。來報子牙。子牙聽得是

紂之所  
以無親  
臣也



蘇護此  
念亦可

三更天氣報黃飛虎回來忙傳令開城門少時飛虎  
至相府來見子牙子牙曰黃將軍被奸惡所獲爲何  
黃夜而歸黃飛虎把蘇護心欲歸周所以一一說了  
一遍只是鄭倫把持不得遂其初心再等一兩日他  
自有處治不表飛虎回城且說蘇侯父子不得歸周  
作何商議蘇全忠曰不若乘鄭倫身着重傷修書一  
封打入城中知會子牙前來劫營將鄭倫生擒進城  
看他歸順不歸順任姜丞相處治孩兒與爹爹早得  
歸周恐後致生疑惑蘇護曰此計雖好只是鄭倫也  
是箇好人必須周全得他方好全忠曰只是不要傷

他性命便了蘇護大喜明日准行父子計較停當來  
日行事有詩爲証

詩曰

蘇家父子欲歸周 怎奈門官不肯投  
只是子牙該有厄 西岐傳染病無休

話說鄭倫被哪吒打傷肩背雖有丹藥只是不好一  
夜聲喚睡卧不寧又思主將心意歸周恨不能即報  
國恩以遂其忠悃其如凡事不能就緒如之奈何且  
說蘇護次日陞帳打點行計忽聽得把轅門官旗報  
入中軍有一道人三隻眼穿大紅袍要見老爺蘇護

蘇護不  
但不重  
道門他  
原事不



祝意的

不是道家出身。不知道門尊大。便叫令來。左右出轅門。報與道人。道人聽得叫令來。不曾說箇請字。心下鬱鬱不樂。欲待不進營去。恐辜負了申公豹之命。道人自思。且進營去。看他何如。只得忍氣吞聲。進營來。至中軍。蘇侯見道人來。不知何事。道人見蘇侯曰。貧道稽手了。蘇侯亦還禮畢。問曰。道者今到此間。有何見諭。道者曰。貧道特來相助老將軍。共破西岐。擒反賊。以解天子。蘇侯曰。道者住居那裡。從何處而來。道人答曰。吾從海島而至。有詩為証。詩曰  
弱水行來不用舡。週遊天下妙無端。

陽神出竅人難見。

水虎牽來事更玄。

九龍島內經脩煉。

截教門中我最先。

若問納子名何姓。

呂岳聲名四海傳。

話說道人作罷。詩對蘇護曰。納子乃九龍島。聲名山。煉氣士是也。姓呂名岳。乃申公豹請我來。助老將軍。將軍何必見疑乎。蘇侯欠身請坐。呂道人也不謙讓。就上坐了。只聽得鄭倫聲喚曰。痛殺吾也。呂道人問。是何人叫苦。蘇侯暗想。把鄭倫扶出來。說他一說。蘇侯答曰。是五軍大將。鄭倫被西岐將官打傷了。故此叫苦。呂道人曰。且扶他出來。待吾看看何如。左右把

蘇護只  
寔為因



鄭倫扶將出來。呂道人一看咲曰：此是乾坤圈打的，不妨待吾救你。豹皮囊中取出一箇葫蘆，倒出一粒丹藥，用水研開，敷于上面，如甘露沁心一般。即時全愈。鄭倫今得重傷全愈，正是。

猛虎又生雙脇翅。

蛟龍依舊海中來。

鄭倫傷痕全愈，遂拜呂岳為師。呂道人曰：你既拜吾為師，助你成功便了。帳中靜坐，不語三日。蘇侯嘆曰：正要行計，又被道人所阻，深為可恨。且說鄭倫見呂岳不出去，見陸上帳啓曰：老師既為成湯弟子，聽候老師法旨。可見陣會會姜子牙。呂岳曰：吾有四位門

人，未曾來至，但他們一來，管取你克了西岐，助你成功。又過數日，來了四位道人。至轅門，問左右曰：裡邊可有一呂道長麼？煩為通報。有四門人來見，軍政官報入中軍，啟老爺。有四位道人要見老爺。呂岳曰：是吾門人來也。着鄭倫出轅門來請。鄭倫至轅門，見四位道者，臉分青黃赤黑，或挽抓髻，或戴道巾，或似佗頭，穿青紅黃皂，身俱長一丈六七尺，行如虎狼，眼露睛光，甚是兇惡。鄭倫欠背躬身曰：老師有請。四位道人也不尊薦，逕至帳前，見呂道人行禮畢，口稱老師，兩邊跼立。呂岳問曰：為何來遲？內有一穿青者答曰：因



攻伐之物。未曾製完。故此來遲。呂岳謂四門人曰。這鄭倫。乃新拜吾爲師的。亦是你等兄弟。鄭倫從新又與四人見禮畢。鄭倫欠身。請問曰。四位師兄高姓大名。呂岳用手指着一位曰。此位姓周。名信。此位姓李。名奇。此位姓朱。名天麟。此位姓楊。名文輝。鄭倫也通。了名姓。遂治酒管待。飲至二鼓方散。次日蘇侯昇帳。又見來了四位道者。心下十分不悅。懊惱在心。呂岳曰。今日你四人。誰往西岐走一遭。內有一道者曰。弟子愿往。呂岳許之。那道人抖搜精神。自恃腦中道術。出營步行。來會西岐。不知凶吉如何。且聽下回分解。

總批

第五十八回

子牙西岐逢呂岳

蘇侯擇主而事。棄暗投明。固是賢士。但身係  
受紂王威臣。不思捨身報主。效龍逢比干。以直  
臣諫死。真有愧于諸君子。萬世之下。以此爲口  
實者。蘇侯其罪之魁乎。又時至士民家

又批

何事事心清平凡

祥雲氣氣萬歲

鄭倫乃裨將也。知有君而不知有身。真是有  
血性男子。看他對蘇侯數語。真令蘇侯父子  
汗下。



又姓此位姓朱名天麟此位姓楊名文輝鄭倫也近

了名姓實皆燕封其罪之風平方散次日蘇侯昇帳

又見來精派其首即下精毒亦萬世之不可以此為口

口今日徐王娘出不思針良時主效請蚤出千以宜

子愿往燕封對主而毒棄部封肥固具賢士回其針

燕非步行來會西岐不知何吉如何且聽下回分解

第五十八回 子牙西岐逢呂岳

詩曰


疫痢瘟瘧幾遍災。子牙端是有奇才。

匡扶聖主開基域。保護黔黎脫禍胎。

劫數將臨神鬼哭。兵戈時至士民哀。

何年事定清平日。祥雲氤氳萬歲臺。

話說周信出營來至城下請戰報進相府有一道人請戰子牙聞報連日未曾會戰今日竟有道人此來必竟又是異人便問誰去走一遭有金吒欠身而言曰弟子愿往子牙許之金吒出城偶見一個道者生





的十分兒惡，怎見得有詩爲証。

詩曰

髮似珠砂臉帶綠

僚牙上下金精目

道袍青色勢猙獰

足下麻鞋雲霧簇

手提寶劍電光生

胸藏妙訣神鬼哭

行瘟使者降西岐

正是東方甲乙木

話說金吒問曰：道者何人？周信答曰：吾乃九龍島煉氣士，周信是也。聞爾等仗崑崙之術，滅吾截教，情殊可恨。今日下山，定然與你等見一高下，以定雌雄。綽步執劍來取，金吒用劍急架相還，未及數合，周信抽

惡標

身便走，金吒隨卽趕來。周信揭開袍服，取出一磬，轉身對金吒連敲三五下，金吒把頭搖了兩搖，卽時面如金紙，走回相府。聲喚只叫頭疼殺我。子牙問其詳細，金吒把趕周信事說了一遍。子牙不語，金吒在相府晝夜叫苦。且說次日，又報進相府，又有一道人請戰。子牙問左右：誰去見陣？走一遭，倘有木吒曰：弟子愿往。木吒出城，見一道人，挽雙抓髻，穿淡黃服，面如滿月，三柳長髯，怎見得有詩爲証。

詩曰

面如滿月眼如珠

淡黃袍服繡花禽



絲絲上下飄瑞彩。

腹內玄機海樣深。

五行道術般般會。

酒豈成兵件件精。

允地行瘟號使者。

正屬西方庚辛金。

話說木吒大喝曰。你是何人。敢將左道邪術。困吾兄長。使他頭疼。想就是你了。李奇曰。非也。那是吾道兄周信。吾乃呂祖門人。李奇是也。木吒大怒。都是一班左道邪黨。輕移大步。執劍當空。來取李奇。李奇手中劍劈面交還。二人步戰之間。劍分上下。要賭雌雄。一個是肉身成聖的木吒。施威仗勇。一個是瘟部內有名的惡煞。展放兇光。往來未及五七回合。李奇便走。

惡極

木吒隨後趕來。二人步行。趕不上一射之地。李奇取出一幡拿在手中。對木吒連搖數搖。木吒打了一個寒禁。不去追趕。李奇也全然不理。逕進大營去了。且說木吒一會兒面如白紙。渾身上如火燎。心中似油煎。解開袍服。赤身來見子牙。只叫不好了。子牙大驚。急問怎的。這等回來。木吒跌倒在地。口噴白沫。身似炭火。子牙命扶往後房。子牙問掠陣官。木吒如何這樣回來。掠陣官把木吒追趕搖幡之事。說了一遍。子牙不知其故。此又是左道之術。心中甚是納悶。且說李奇進營。回見呂岳。道人問曰。今日會何人。李奇曰。



今日會木吒。弟子用法旛一展。無不嚮應。因此得勝。回見尊師。呂岳大悅。心中樂甚。乃作一歌。

歌曰

不負玄門訣。工夫脩煉來。爐中分好友。

火內辨三才。陰陽定左右。符印最奇哉。

仙人逢此術。難免殺身災。

呂岳作罷歌。鄭倫在傍。口稱老師。二日成功。未見擒人捉將。方纔聞老師作歌最奇。甚是歡樂。其中必有妙用。請示其詳。呂岳曰。你不知吾門人所用之物。俱有玄功。只畧展動了。他自然絕命。何勞持刀用劍殺

此正殺  
人不用  
惡極  
惡極

他鄭倫聽說。讚嘆不已。次日呂岳曰。朱天麟今日你去走一遭。也是你下山一場。朱天麟領法旨。提劍至城下大呼曰。着西岐能者會吾。有探事的報入相府。子牙雙眉不展。問左右曰。誰去走一遭。倘有雷震子曰。弟子愿去。子牙許之。雷震子出城。見一道人。生的兇惡。怎見得有詩為証。

詩曰

巾上斜飄百合纓。面如紫棗眼如鈴。

身穿紅服如噴火。足下麻鞋似水晶。

絲絛結就陰陽扣。寶劍揮開神鬼驚。



行瘟部內居離位。

正按南方火丙丁。

話說雷震子大呼曰來的妖人。仗何邪術。敢困吾二位道兄也。朱天麟笑曰你自恃猙獰古怪。發此大言。誰來怕你。是你也不知。我是誰。吾乃九龍島朱天麟的便是。你通名來。也是我會你一番。雷震子咲曰。諒爾不過一草芥之夫。焉能有甚道術。雷震子把風雷翅分開。飛起空中。使起黃金棍。劈頭就打。朱天麟手中劍。急架相還。二人相交未及數合。大抵雷震子在空中。使開黃金棍。往下打將來。朱人麟如何招架得住。只得就走。雷震子方纔要趕。朱天麟將劍望雷震子

一指。雷震子在空中。架不住。風雷二翅。响一聲。落將下來。便往西岐城內。蹣將進來。走至相府。子牙一見。走來之勢不好。子牙出席。急問雷震子曰。你為何如此。雷震子不言。只是把頭搖。一交跌倒在地。子牙仔細定睛。看不出他蹣蹣原故。心中十分不樂。命擡進後廳調息。子牙納悶。且說朱天麟。因見呂岳言如法治雷震子。無不應聲而倒。呂道人大悅。次日又着楊文輝來城下請戰。左右報入相府。今日又是一位道人。搦戰。子牙聞報。心下躊躇。一日換一個道者。莫非又是十絕陣之故智。子牙心中疑惑。只見龍鬚虎鬚



去見陣子牙許之。鬚虎出城。見一道人。面如紫草。髮似銅針。頭戴魚尾金冠。身穿皂服。飛步而來。怎見得有詩爲証。

詩曰

頂上金冠排魚尾。

面如紫草眼光熒。

絲縹彩結扣連環。

寶劍砍開天地髓。

草履斜登寒霧生。

胸藏秘訣多文斐。

封神臺上有他名。

正按坎宮壬癸水。

話說龍鬚虎見道人大呼曰。來者何人。楊文輝一見大驚。看龍鬚虎形相古怪稀奇。問曰。通個名來。龍鬚

虎曰。吾乃姜子牙門人。龍鬚虎是也。楊文輝大怒。仗劍來取。龍鬚虎發手有石。只管打將下來。楊文輝不敢久戰。掩一劍便走。龍鬚虎隨後趕來。楊文輝取出一條鞭。對着龍鬚虎一頓轉。龍鬚虎忽的跳將回來。發着石頭。盡行力氣。打進西岐。直打到相府。又打上銀安殿。來子牙忙着兩邊軍將。快與吾拿下去。眾將官用鈎連鎗。鈎倒在地。網將起來。龍鬚虎口中噴出白沫。朝着天。睜着眼。只不作聲。子牙無計可施。不知就理。至個是瘟部中。四個行瘟使者。頭一位周信。按東方使者。用的磬。名曰。頭疼磬。第二位李奇。按西方



使者用的旛名曰發燥旛。第三位朱天麟。按南方使者用的劍名曰昏迷劍。第四位楊文樞。按北方使者用的鞭名曰散瘟鞭。故此瘟部之內先着四箇行瘟使者。先會門人。此乃子牙一災又至。姜子牙那裡知道。子牙正在府中。謂楊戩曰。吾師言三十六路伐西岐。美將來有三十路矣。今又逢此道者。把吾四箇門人困住。聲叫痛苦。使我心下不忍。如何是好。將柰之何。正議間。忽門旗官報曰。有一三隻眼道人請丞相答話。哪吒揚戩在傍曰。今連戰五日。一日換一箇。不知他營中有多少。截教門人。師叔會他。便知端的。子牙傳令。擺隊伍出城。炮聲响亮。兩扇門開。左右列典。周滅紂英雄。前後立玉虛門下。且說呂岳見子牙出城。兵勢嚴整。果然比別人不同。正是。

果然紀律分嚴整。

不亞當年風后強。

話說子牙見黃旛脚下。有一道人穿大紅袍。服面如藍靛。髮似硃砂。二目圓睜。騎金眼駝。手提寶劍。大呼曰。來者可是姜子牙麼。子牙答曰。然也。子牙曰。道兄是那座名山。何處仙府。今往西岐。屢敗吾門下。道兄何所見而爲。今紂主無道。周室由仁。天下共見。從來人心歸順真主。道兄何必強爲。常言順天者存。逆天



子牙雖  
說得有  
理只呂  
岳不肯  
往

者亡。今我周鳳鳴岐山，英雄間出，似不卜可知。道兄  
又何得逆天而行其已意哉。况道兄在道門久練，豈  
不知封神榜乃三教聖人所主，非吾一已之私。今我  
奉玉虛符命，扶助真主，不過完天地之劫數。成氣運  
之遷移。今道兄既屢得勝，不過一時僥倖。成功若是  
劫數來臨，自有破你之術者。道兄不得恃強，無徒伊  
戚。呂岳曰：吾乃九龍島煉氣之士，名為呂岳，只因你  
等恃開教門人，侮我截教。吾故令四箇門人，畧畧使  
你知道。今日特來會你一會，共決雌雄。只是你死日  
甚近，幸無追悔。你聽我道來。

截教門中我最先。

玄中妙訣許多言。

五行遁術尋常事。

駕霧騰雲只等閑。

腹內離龍併次虎。

捉來一處自熬煎。

煉就純陽乾健體。

九轉還丹把壽延。

入極神遊真自在。

逍遙任意大羅天。

今日降臨西岐地。

早早投戈免罪愆。

呂岳道罷，子牙咲曰：據道兄所談，不過峨嵋山如趙  
公明、三仙島雲霄、瓊霄、碧霄之道。一但俱成盃餅料  
道兄此來，不過白取殺身之禍耳。呂岳大怒，罵曰：姜  
尚，你有什么能，敢發如此惡言。縱開金眼駝，執手中劍



飛來直取。子牙劍急架忙迎。揚戩在傍。縱馬搖刀。飛來大呼曰。師叔弟子來也。揚戩不分好歹。照項上剝來。呂岳手中劍架刀。隔劍。哪吒登開風火輪。使開火尖鎗。冲殺過來。黃天化在旗門腳下。忍不住。心頭火起。雖然是蘇侯。放歸吾父子。難道我不如他們。只要成功。顧不得了。催開玉麒麟。殺將過來。把呂岳圍在當中。且言旗門下。鄭倫看見黃天化。殺將過來。呀的一聲。幾乎墜于獸下。長吁嘆曰。誰知我為紂王。擒將立功。元來主將有意與周。反將黃家父子放回去了。鄭倫自思。這番捉住。即時打死。絕其後念。急催開金

獸。大呼黃天化曰。吾來也。天化見了。離人撥轉。雙提并起。力戰鄭倫。哪吒見黃天化敵住了鄭倫。恐怕有失。忙登回風火輪。把鎗劈心就刺。鄭倫大呼曰。黃公子。你去拿呂岳。吾來殺此匹夫。鄭倫會被哪吒。輒坤圍打過一次。大抵心下十分怯他。搃戰俱是不濟。先是留心着意。防哪吒動手。且說子牙見揚戩使刀敵住呂岳。又見黃天化助力。土行孫也提冰鉄棍。滾將過來。鄧嬋玉在轅門下看戰。呂岳見周將有增。隨將身子搖動。三百六十骨節。霎時現出。一頭六背。一隻手。執形天印。一隻手。擎住瘟疫鍾。一隻手。持



請門人  
甚是疾  
痛何然  
呂岳愁

定形瘟癘。一隻手執住止瘟劍。雙手使劍。現出青臉  
條牙。子牙見了呂岳現如此形狀。心下十分懼怕。揚  
散見子牙怯戰。忙將馬走出圈子外。命金毛童子。拿  
金丸在手。拽滿扣兒。一金丸正打中呂岳肩臂。黃天  
化見揚戩成功。把玉麒麟跳遠了。回手一火籠標。把  
呂岳腿上打了一標。子牙見呂岳着傷。祭起打神鞭。  
這一鞭正中呂岳响一聲。墜下金眼駝來。借土遁去  
了。鄭倫見呂岳失機。不能取勝。心下一慌。被哪吒一  
鎗。正中肩背。幾乎閃下獸來。敗進轅門。子牙不趕。鳴  
金回兵。且說蘇侯父子。在轅門見呂岳失機。着了重

傷。鄭倫也着了傷。心中大悅。這匹夫該當如此。呂岳  
聞警。進中軍帳坐定。袖打神鞭。打的三昧火。從竅中  
而出。四門人來問老師。曰。今日不意老師。又被他取  
了勝。呂岳曰。不妨。吾自有道理。隨將葫蘆中。取藥自  
啖。仍復啖曰。姜尚。你雖然取勝一時。你怎逃滅一城  
生靈之禍。鄭倫着傷。呂岳又將藥救之。呂岳至一更  
時分。命四門人。每一人拿一葫蘆瘟丹。借五行遁。進  
西岐城。呂岳乘了金眼駝。也在當中。把瘟丹用手抓  
着。往城中。按東西南北。洒至三更方回。不表。且說西  
岐城中。那知此丹。俱入井泉河道之中。人家起來。必



惡極

用水火為急濟之物。大家小戶。天子文武。士庶人等。凡吃水者。滿城盡遭此厄。不一二日。一城中烟火全無。街道上。并無人走。皇城内。人聲寂靜。止聞有聲喚之音。相府內。家門人。也逢此難。內有二人。不遭此殃。哪吒乃蓮花化身。楊戩有元功變化。故此二人。見滿城如此。二人心下十分着慌。哪吒進內庭。看武王。楊戩在相府照顧。又不時要上城看守。二人計議。城中止有二。右是呂岳加兵攻打。如之奈何。楊戩曰。不妨。武王。聖明之君。其福不小。師叔該有這場苦楚。定有一切之士來佐。不言二人在城上。囑議且說呂

實惡

岳散了瘟丹。次日在帳前對蘇侯等言曰。我今一日與汝等成功。不用張弓隻箭。六七日之內。西岐一郡生靈盡皆死絕。爾等速速奏凱回兵。不負我下山一遭。鄭倫曰。連日西岐不見城上有人。呂岳曰。一郡衆生盡逢大劫。不久身亡。鄭倫曰。既西岐城。人民俱遭困厄。何不調一枝人馬殺進城中。剪草除根。呂岳曰。也使得。鄭倫欣然領了蘇侯令。調出人馬來。方出湯營。且說楊戩在城上。看見鄭倫調兵出營。哪吒着慌。問楊戩曰。人馬殺來。我你二人。焉能攔抵大衆人馬。楊戩曰。不要忙。吾自有退兵之策。楊戩連忙把土與



草。抓了兩把。望空中一洒。喝聲疾。西岐城上。盡是彪  
軀大漢。往來躍武。鄭倫抬頭看時。見城上人馬。反比  
前大不相同。故此不敢攻城。有詩爲証。

詩曰

揚戩神機妙術奇。

呂岳空自費心機。

武王洪福包天地。

應合姜公遇難時。

話說鄭倫見西岐城上。人馬軒昂。驍勇。不敢進兵。徐  
徐退進營來。見呂岳言曰。城上有人。一事不表。且說  
揚戩雖用此術。只過一時三刻。只救眼下之急。不能  
常久。哪吒正憂煩。聽的空中鶴唳之聲。元來是黃龍

真人。跨鶴而來。落在城上。哪吒揚戩下拜。口稱老師。  
真人曰。你師父可曾來。揚戩答曰。家師不曾來。黃龍  
真人。至相府。來看子牙。又入內庭。看過武王。復出皇  
城。上了城。玉鼎真人方架縱地金光法而至。黃龍真  
人曰。道兄爲何來遲。玉鼎真人曰。我借金光縱地。故  
此來遲。今呂岳將此異術。治此一郡衆生。遭逢大厄。  
今着揚戩速往火雲洞。見三聖大師。速取丹藥可救  
此愆。揚戩領師命。逕往火雲洞來。正是。

足踏五行生霧彩。

週遊天下只須臾。

話說揚戩借土遁來至火雲洞。此處雲生八處。霧起



四方。挺生秀栢。屈曲蒼松。真好所在。怎見得。

巨鎮東南。中天勝岳。芙蓉峯。龍聳紫蓋。嶺巍峩百。艸含香味。爐烟鶴唳。踪上有玉虛之寶籙。朱陸之靈臺。舜巡禹禱。玉簡金書。樓閣飛青鸞。亭臺隱紫霧。地設名山。雄宇宙。天開仙境。透三清。幾樹桃梅。花正放。滿山瑤草。色皆舒。龍潛澗底。虎伏崖前。幽鳥如訴語。馴鹿近人行。白鶴伴雲棲。老檜青鸞丹鳳。向陽鳴。火雲福地。真仙境。金闕仁慈。治世公話。說楊戩。不敢擅入。伺候多時。只見一童兒出洞府。楊戩上前。稽首曰。師兄。弟子乃玉泉山。金霞洞。玉鼎真人門徒。楊戩。今奉師命。特到此處。參謁三聖老爺。借師兄轉達一聲。童兒曰。你可知道。三聖人是誰。如何以老爺相稱。楊戩欠身曰。弟子不知。童子曰。你不知。不怪你。此三聖乃天地人。三皇帝主。楊戩曰。多感師兄指教。其實弟子不知。童兒進洞府。少時出來曰。三位皇爺。命你相見。楊戩進洞府。見三位聖人。當中一位。頂生二角。左邊一位。披葉蓋肩。腰圍虎豹之皮。右邊一位。身穿帝服。楊戩不敢踐越階次。只得倒身下拜。言曰。弟子楊戩。奉玉鼎真人之命。今爲西岐武王。因呂岳助蘇護。征伐其地。不知用何道術。將一郡

寸申演義 卷之十一 四九



生民盡是臥床不起，呻吟不絕，晝夜無寧。武王命在旦夕，姜尚死在須臾。弟子奉師命，特懇金容，大發慈悲，救拔無辜生靈。實乃再造洪恩，德如淵海。楊戩訴罷，當中一位聖人，乃伏羲皇帝，謂左邊神農曰：「想吾輩為君，和八卦，定禮樂，併無禍亂。方今商運當衰，干戈四起，想武王德業日盛，紂惡貫盈，以周伐紂，此是天數。但申公豹扭轉天心，助惡為虐，邀請左道，大是可恨。御弟不可辭勞，轉濟周功，不負有德之業。」神農答曰：「皇兄此言有理。」忙起身入後，取了丹藥，付與楊戩曰：「此丹三粒，一粒救武王宮眷，一粒救子牙諸多

正見天  
入相應

門人，一粒用水化開，用楊枝細洒西城。凡有此疾者，名為傳染之疫。楊戩叩首在地，拜謝出洞。神農復叫楊戩分付曰：「你且站住，神農出的洞府，往紫芝崖來，尋了一遍，忽然拔起一草，遞與楊戩。你將此寶帶回人間，可治傳染之疾。若凡世間衆生，遭此苦厄，先取此草服之，其疾自愈。」楊戩接草，跪而啓曰：「此草何名？」神農道：「你聽我有偈為証。」

偈曰

此草生來益世無

紫芝崖下用功夫



常桑曾說玄中妙。寒門發表是柴胡。

話說揚戩得了柴胡草，併丹藥，離了火雲洞，逕往西岐而來。早至城上，見師父回話，玉昇真人問取丹藥一事如何。揚戩把神農分付的言語，細細說了一遍。玉昇真人依法而行，將三粒丹，如法製度，果然好丹藥，正是。

聖主洪福無邊遠。呂岳何須枉用心。

話說呂岳在營過了七八日，對衆門人曰：西岐人民想已盡絕。蘇侯在中軍聽得呂道人之言，心下十分不樂。又過了兩日，蘇侯暗出大營來看西岐城上，只

見旂幟依舊往來不斷，人行看哪吒精神抖擻，揚戩氣槩軒昂，心下大悅。呂岳之言，不過愚惑吾等耳。可將言語滅他一番，遂之中軍對呂岳曰：老師言西岐人民盡絕，如今反有人馬往來，戰將威武，此事不實了。老師將何法處之，不可以前言為戲。呂岳聞言，立身曰：豈有此禮。蘇侯曰：此不才適纔經目看將來的，豈敢造次亂言。呂岳就出營一看，果然如此。插指一美，不覺失聲大叫曰：原來玉昇真人往火雲洞借了丹藥，以救此一城生靈之厄，忙命四門人鄭倫，你可每門調三千人馬，乘他身弱無力支持，殺進城中，盡

惡極奇



行屠戮。鄭倫領命來問蘇侯，調人馬破西岐。蘇侯情  
 知，呂岳不能破子牙，遂將一萬二千人馬調出。周信  
 領三千往東門殺來，李奇領三千往西門殺來，朱天  
 麟領三千往南門殺來，楊文輝領三千同呂岳往北  
 門殺來。鄭倫在城外打點進城，且說哪吒在城上看  
 見成湯營裡發出人馬殺奔城下。忙見黃龍真人曰：  
 城內空虛，止有四人焉能護持得來。黃龍真人曰：不  
 妨，命楊戩你去東門迎敵。開門讓進來，吾自有道  
 理。哪吒你在西門，也是如此。王孫真人你在南門，我  
 貧道在北門，把他誑進城來，我自處治。且說呂岳

把四箇門人點出來，取一西岐城，不知勝負如何。且聽

下回分解。

總批：紂王極惡已無恩。

安得延綿及子孫。

蘇護要歸周，偏有這些強神惡煞來幫助。果

是天意欲要如此，還是子牙衆人有難。這此

事須要與近日推筭者商量。

又批

瘟疫惡病也，瘟疫使者惡煞也，令人惡之更  
 深，避之亦力。當時便自如此，無怪近日諸之







面交還。話分四路。李奇領三千人馬殺進西門。有哪吒截住。廝殺。朱天麟領人馬殺進南門。有王昇真人截住去路。楊文輝同呂岳殺進北門。只見黃龍真人跨鶴。大喝一聲。呂岳慢來。你欺敵。擅入西岐。真如魚遊釜中。鳥投網裡。是取其死。呂岳一見。是黃龍真人。咲曰。你有何能。敢出此大言。將手中劍來取真人。真人忙用劍遮架。正是。

神仙殺戒相逢日。只得將身向火燒。

黃龍真人用雙劍來迎。呂岳在金眼駝上現出二頭六臂。大顯神通。一位是了道真仙。一位是瘟部鼻祖。

不說呂岳在北門。且說東門楊戩戰周信。未及數合。楊戩恐人馬進浦。殺戮城中百姓。隨將哮天犬祭在空中。把周信夾頸子上一口。咬住不放。周信欲待掙時。早被楊戩一刀。揮爲兩斷。一道靈魂往封神去了。揚戩大殺成湯人馬。三軍逃出城外。各顧性命。揚戩往中央來接應。且說哪吒在西門與李奇大戰交鋒。未及數合。李奇非哪吒敵手。被哪吒乾坤圈打倒在地。脇下復了一鎗。一靈也往封神臺去了。王昇真人在南門戰朱天麟。揚戩走馬接應。只見哪吒殺了李奇。登風火輪趕殺士卒。勢如猛虎。三軍逃竄。呂岳戰



黃龍真人  
人甚是  
宋濟

黃龍真人真人不能敵。且敗往正中央來。楊文輝大呼。拿住黃龍真人。哪吒聽見三軍吶喊。振動山川。急來看時。見呂岳三頭六臂。追趕黃龍真人。哪吒大咤曰。呂岳不要恃勇。吾來了。把鎗刺斜裡殺來。呂岳手中劍。架鎗大戰。哪吒正戰。楊戩馬到使開三尖刀。如電光耀目。王昇真人祭起斬仙劍。誅了朱天麟。又來助楊戩。哪吒來戰呂岳。西岐城內止得呂岳。楊文輝二人。且說子牙坐在銀安殿。其疾方愈。未能全妥。左右站立幾箇門人。雷震子。金吒。木吒。龍鬚虎。黃天化。土行孫。只聽的喊聲振地。羅鼓齊鳴。子牙慌問。衆門

人俱曰。不知。傍有雷震子。深恨呂岳。待弟子看來。把風雷翅飛起空中一看。知是呂岳殺進城來。忙轉身報於子牙。呂岳欺敵。殺入城來。金吒。木吒。黃天化。聞言。恨呂岳深入骨髓。五人喊聲大叫。今日不殺呂岳。怎肯于休。齊出相府。子牙阻攔不住。呂岳正戰之間。只見金吒大呼曰。兄弟不可走了。呂岳忙把遁龍橋。奈在空中。呂岳見此寶落將下來。忙將金眼駝。拍一把。那駝四足就起風雲。方欲起去。不防木吒將吳鉤劍祭起砍來。呂岳躲不及。被劔卸下一隻膀臂。負痛逃走。楊文輝見勢不好。亦隨師敗下陣去。且說衆門

真是寡  
不敵衆



人等。回見子牙。黃龍真人。同王昇真人。日子牙放心。此子今日之敗。再不敢正眼覷西岐了。吾等暫回山嶽。至拜將吉辰。再來拜賀。二仙回山不表。且說鄭倫在城外。見敗殘人馬來報。啓爺知道。呂老爺失機走了。鄭倫低首無語。回營見蘇侯。蘇侯暗喜曰。今日方顯真命聖主。俱各無語。且說那日。呂岳同門人敗走。來至一山。心下十分驚懼。下了坐騎。倚松靠石。少憩片時。對揚文輝曰。今日之敗。大辱吾九龍鳥聲名。如今往那里去。覓一道友來。以報吾今日之恨。話由未了。聽得腦後有人唱道情而來。

歌曰

烟霞深處隱吾軀。脩煉天皇訪道機。一點真元無破漏。拖白虎。過橋西。易消磨。天地須臾。人稱我全真客。伴龍虎。守茅蘆。過幾世。固守男兒。

呂岳聽罷。回頭一看。見一人。非俗非道。頭戴一頂盔。身穿道服。手執降魔杵。徐徐而來。呂岳立身言曰。來的道者是誰。其人荅曰。吾非別人。乃金庭山。王屋洞。道行天尊門下。帝護是也。今奉師命下山。佐師叔子牙。東進五關。滅紂。今先往西岐。擒拿呂岳。以為進見之功。揚文輝聞言大怒。大喝一聲曰。你這廝好大胆。



封神演義 卷之十一  
改說欺心大話。縱步執劍來取常護。常護咲曰。事有  
奏巧。元來此處正與呂岳相逢。二人輕移虎步。大殺  
山前。只三五回合。常護祭起降魔杵。怎見得好寶貝。  
有詩爲証。

詩曰

曾經煅煉爐中火。製就降魔杵一根。

護法沙門多有道。文輝遇此絕真魂。

話說此寶拿在手中。輕如灰草。打在人身上。重似太  
山。楊文輝見此寶落將下來。方要脫身。怎免此厄。正  
中頂上。可憐打的腦漿迸出。一道靈魂。進封神臺去

了。呂岳又見折了門人。心中大怒。大喝曰。好孽障。敢  
如此大胆。欺侮于我。撻手中劍。飛來直取。常護展開  
杵。變化無窮。一個是護三教法門全真。一個是第三  
部瘟部正神。兩家來往。有五七回合。常護又祭起寶  
杵。呂岳觀之。料不能破此寶。隨借土遁。化黃光而去。  
常護見走了呂岳。收了降魔杵。逕往西岐來。早至相  
府。門官通報。有一道人求見。子牙聽得是道者。忙道  
請來。常護至簷前。倒身下拜。口稱師叔。弟子是金庭  
山。玉屋洞。道行天尊門下。常護是也。今奉師命來佐  
師。叔。共輔西岐。弟子中途曾遇呂岳。兩下交鋒。被弟





子用降魔杵打死了一箇道者。不知何名。單走了呂岳。子牙聞言大悅。且說呂岳回往九龍島。煉瘟瘟傘。不表。且說蘇候被鄭倫拒住。不肯歸周。心下十分不樂。自思屢屢得罪與子牙。如何是好。且不言蘇護納悶。話分兩處。且言太華山雲霄洞。赤精子只因削了頂上三花。潛消腦中五炁。閑坐于洞中。保養天元。只見有王虛宮。白鶴童子。持扎而至。赤精子接見白鶴童兒。開讀御札謝恩畢。方知姜子牙金臺拜將。請師叔西岐接駕。赤精子打發白鶴童兒回宮。忽然見門人殷洪在傍。道人曰。徒弟。你今在此。非是了道成仙

分明是赤精子

性命

之人。如今武王乃仁聖之君。有事于天下。伐罪弔民。你姜師叔合當封拜。東進五關。會諸候于孟津。滅獨夫于牧野。你可以下山。助子牙一臂之力。只是你有一件事。掣肘。殷洪曰。老師弟子有何事掣肘。赤精子曰。你乃是紂王親子。你決不肯佐周。殷洪聞言。將口中玉釘一銖。二目圓睜。老師在上。弟子雖是紂王親子。我與妲己有百世之讎。父不慈。子不孝。他聽妲己之言。剗吾母之目。烙吾母二手。在西宮死于非命。弟子時時飲恨。刻刻痛心。怎能得此機會。拿住妲己。以報我母沉寃。弟子雖死無恨。赤精子聽罷。大悅。你既

赤精子先教六以不善無怪其有許師



有此意。不可把念頭改了。殷洪曰：弟子怎敢有負師命。道人忙取紫綬仙衣、陰陽鏡、水火鋒，拿在手中曰：殷洪，你若是東進時，倘過佳夢關，有一火靈聖母，他有金霞冠，載在頭上，放金霞三四十丈，罩着他一身。他看得見你，你看不見他。你穿此紫綬仙衣，可救你刀劍之災。又取陰陽鏡，付與殷洪。徒弟此鏡半邊紅，半邊白，把紅的一幌，便是生路；把白的一幌，便是死路。水火鋒可以隨身護體，你不可遲留，快收拾去罷。吾不久也。至西岐，殷洪收拾辭了師父下山。赤精子暗想：我爲子牙，故將洞中之寶盡付與殷洪去了。他

終是紂王之子。倘若中途心變，如之奈何。那時節反爲不美。赤精子忙叫殷洪：你且回來。殷洪曰：弟子既去，老師又令弟子回來，有何分付。赤精子曰：吾把此寶俱付與你，切不可妄師之言。保紂伐周。殷洪曰：弟子若無老師，救上高山，死已多時，豈能望有今日。弟子怎敢背師言，而妄之理。赤精子曰：從來人面是心非，如何保得到底。你須是對我發個誓來。殷洪隨口應曰：弟子若有他意，四肢俱成飛灰。赤精子曰：出口有愿，你便去罷。且說殷洪離了洞府，借土遁往西岐而來。正是：



神仙道術非凡術。

足踏風雲按五行。

話說殷洪架着土遁正行。不覺落將下來。一座古古怪怪高山。好兇險。怎見得。

詩曰

頂巔松栢接雲青。

石壁荆榛掛野藤。

萬丈崔嵬峯嶺峻。

千層峭險壑崖深。

蒼苔碧蘚鋪陰石。

古檜高槐結大林。

林深處處聽幽鳥。

石磊層層見虎行。

澗水水流如瀉玉。

路傍花落似堆金。

山勢險惡難移步。

十步全無半步平。

狐狸麋鹿成雙走。

野獸玄猿作對吟。

黃梅熟杏真堪食。

野草閑花不識名。

話說殷洪看罷山景。只見茂林中一聲羅响。殷洪見有一人。面如亮漆。海下紅鬚。兩道黃眉。眼如金鍍。皂袍烏馬。穿一付金鎖甲。用兩條銀裝綢。滾上山來。大吃一聲。如同雷鳴。問道。你是那里道童。敢探吾之巢穴。劈頭就是一錮。殷洪忙將水火鋒。急架忙迎。步馬交還。山下又有一人。大呼曰。長兄吾來了。那人戴虎磕腦。面如赤棗。海下長鬚。用駝龍鎗。騎黃標馬。雙戰殷洪。殷洪怎敵得過。二人心中暗想。吾師曾分付。陰



陽鏡按人生死。今日試他一試。殷洪把陰陽鏡拿在手中。把一邊白的對着二人。一愧。那二人坐不住。鞍轡。撞下塵埃。殷洪大喜。只見山下又有二人上山來。更是克惡。一人面如黃金。短髮亂鬚。穿大紅披銀甲。坐白馬。用大刀。真是勇猛。殷洪心下甚怯。把鏡子對他。一愧。那人又跌下鞍轡。後面一人見殷洪這等道術。滾鞍下馬。跪而告曰。望仙長大發慈悲。赦免三人罪愆。殷洪曰。吾非仙長。乃紂王殿下。殷洪是也。那人聽罷。叩頭在地曰。小人不知千歲駕臨。吾兄亦不知。萬望饒恕。殷洪曰。吾與你。非是敵。曰。再決不害他。將

陰陽鏡

把紅的半邊對三人。一愧。三人齊醒回來。躡身而起。大叫曰。好妖道。敢欺侮我等。傍立一人。大呼曰。長兄不可造次。此乃是殷殿下也。三人聽罷。倒身下拜。口稱千歲。殷洪曰。請問四位高姓大名。內一人應曰。某等在此。一龍山黃峯嶺。嘯聚綠林。末將姓龐。名弘。此人姓劉。各甫。此人姓苟。各章。此人姓畢。各環。殷洪曰。觀你四人。一表非俗。真是當世英雄。何不隨我往西岐去。助武王伐紂。如何。劉甫曰。殿下乃成湯。胷胤。又不佐成湯。而助周武者。何也。殷洪曰。紂王雖是吾父。柰他絕滅彞倫。有失君道。爲天下所共棄。吾




故順天而行。不敢違逆。你此山如今有多少人馬。龐  
弘答曰。此山有三千人馬。殷洪曰。既是如此。你們同  
吾往西岐。不失人臣之位。四人答曰。若干歲提携。乃  
貴神所照。敢不如命。四將隨將三千人馬。改作官兵。  
打西岐號色。放火燒了山寨。離了高山。一路上正是。  
殺氣冲空人馬進。這場異事又來侵。

話說人馬非止一日。行在中途。忽見一道人跨虎而  
來。衆人大叫。虎來了。道人曰。不妨。此虎乃是家虎。不  
敢傷人。煩你報與殷殿下。說有一道者。要見軍士報  
至馬前曰。啟千歲。有一道人。要見。殷洪原是道門出

申公豹  
便是鉤  
魂使者

身。命左右住了人馬。請來相見。少時見一道者。飄然  
而來。白面長鬚。上帳見殷洪。打箇稽首。殷洪亦以師  
禮而待。殷洪問曰。道長高姓。道人曰。你師與吾一教。  
俱是玉虛門下。殷洪欠身口稱師叔。二人坐下。殷洪  
問師叔高姓大名。今日至此。有何見諭。道人曰。吾乃  
是申公豹也。你如今往那里去。殷洪曰。奉師命往西  
岐助武王伐紂。道人正色言曰。豈有此理。紂王是你  
甚麼人。洪曰。是弟子之父。道人大喝一聲曰。世間豈  
有子助他人。反伐父親之理。殷洪曰。紂王無道。天下  
叛之。今以天之所順。行天之罰。天必順之。雖有孝子





慈孫不能改其愆尤。申公豹笑曰。你乃愚迷之人。執一之夫。不知大義。你乃成湯苗裔。雖紂王無道。無子伐父之理。况百年之後。誰為繼嗣之人。你道不思。社稷為重。聽何人之言。忤逆滅倫。為天下萬世之不肖。未有若殿下之甚者。你今助武王伐紂。倘有不測。一則宗廟被他人之所壞。社稷被他人之所有。你久後死於九泉之下。將何顏相見你始祖哉。殷洪被申公豹。一篇言語。說動其心。低首不語。默默無言。半晌言曰。老師之言。雖則有禮。我曾對吾師發呪。立意來助武王。申公豹曰。你發何呪。殷洪曰。我發誓說。如不助

武王伐紂。四肢俱成飛灰。申公豹咲曰。此乃牙疼呪耳。世間豈有血肉成爲飛灰之理。你依吾之言。改過念頭。竟去伐周。久後必成大業。庶幾不負祖宗廟社之靈。與我一片真心耳。殷洪被時。聽了申公豹之言。把赤精子之語。丟了腦後。申公豹曰。如今西岐有冀州侯蘇護征伐。你此去與他合兵一處。我再與你請一高人來。助你成功。殷洪曰。蘇護女姐已將吾母害了。我怎肯與讎人之父共居。申公豹咲曰。怪人須在腹。相見有何妨。你成了天下。任你將他怎麼去報母之恨。何必在一時自失機會。殷洪欠身謝曰。老師之

獸打得



言大是有理。申公豹說反了殷洪。跨虎而去。正是。

堪恨申公多饒舌。

殷洪難免這災迤。

且說殷洪改了西周號色。打着成湯字號。一日到了西岐。果見蘇侯大營。扎在城下。殷洪命龐弘去。令蘇護來見。龐弘不知就裏。隨上馬到營前。大呼曰。殷干歲駕臨。令冀州侯去見。有探事馬報入中軍。啓君侯。營外有殷殿下兵到。如今來令君侯去見。蘇侯聽罷。沉吟曰。天子殿下久已湮沒。如何又有殿下。况吾奉勅征討。身爲大將。誰敢令我去見。因分付旗門官曰。你且將來人令來。軍政司來令龐弘。龐弘隨至中軍。

鄭倫亦  
是司人

蘇侯見龐弘生的克惡。相貌踉蹌。便問來者曰。你是那裏來的兵。是那個殿下。命你來至此。龐洪答曰。此是二殿下之令。命末將來令老將軍。蘇侯聽罷。沉吟曰。當時有殷郊。殷洪。綁在絞頭樁上。被風刮不見了。那裡又有一箇二殿下。殷洪也。倘有鄭倫啟曰。君侯聽稟。當時既有被風刮去之異。此時就有一箇不可解之理。想必當初被那一位神仙收去。今見天下紛紛。刀兵四起。特來扶助家國。亦未可知。君侯且到他行營。看其真假。便知端的。蘇侯從其言。隨出大營來。至轅門。龐弘進營。回覆殷洪曰。蘇護在轅門等令。殷



洪聽得命左右令來。蘇侯鄭倫至中軍行禮。欠身打躬曰。末將甲冑在身。不能全禮。請問殿下。是成湯那一枝宗派。殷洪曰。孤乃當今嫡派。次子殷洪。只因父王失政。把吾弟兄。綁在絞頭樁。欲待行刑。天不亡我。有海島高人。將吾提拔。故今日下山。助你成功。又何必問我。鄭倫聽罷。以手加額曰。以今日之遇。正見社稷之福。殷洪令蘇護合兵一處。殷洪進營。陞帳。就問連日可曾與武王會兵。以分勝負。蘇侯把前後大戰一一說了一遍。殷洪在帳內。改換王服。次日領眾將出營請戰。有報馬報入相府。啓丞相。外有殷殿下請

戰。子牙曰。成湯少嗣。焉能又有殿下提兵。倘有黃飛虎曰。當時有殷郊。殷洪。綁在絞頭樁上。被風刮去。想必今日回來。末將認的他。待吾出去。便知真假。黃飛虎領令出城。有子黃天化。壓陣。黃天祿。天爵。天祥。父子五人。齊出城。黃飛虎在坐騎上。見殷洪王服。左右擺着龐劉荀畢四將。後有鄭倫爲左右護衛使。真好齊整。看殷洪出馬。怎見得。有詩爲証。

詩曰

東爰金冠火焰生。

璽環鎧甲長征雲。

紅袍上面團龍現。

腰束攬兵走獸裙。



紫綬仙衣為內襯。暗掛稀奇水火鋒。

拿人捉將陰陽鏡。腹內安藏秘五行。

坐下走陣逍遙馬。手提方天戟一根。

龍鳳旂上書金字。成湯殿下是殷洪。

話言黃飛虎出馬言曰。來者何人。殷洪離飛虎十年有餘。不想飛虎歸了西岐。一時也想不到。殷洪答曰。吾乃當今次殿下殷洪是也。你是何人。敢行叛亂。今奉勅征討。早早下騎受縛。不必我費心。莫說西岐姜尚乃崑崙門下之人。若是惱了我。連你西岐寸草不留。定行滅絕。黃飛虎聽說答曰。殿下吾非別人。乃開

國武成王。黃飛虎是也。殿下暗思。此處難道也有箇黃飛虎。殷洪把馬一縱。揮戟來取。黃飛虎催神牛手中鎗。急架來迎。牛馬相交。鎗戟併舉。這場大戰。不知勝負如何。且聽下回分解。

總批

殷洪對師發誓。言猶在耳。申公豹浮言安得插入。况當日親見殺母身遭形戮。豈得一旦忘之哉。但申公豹之言。皆在天倫至極之處。打轉他。他不得不為之轉念耳。當斯時。自無以子伐父之理。只是他不會權宜。當時肯假





西周之兵。觀政商郊。擒妲己以報母恨。清君側之奸。平定禍亂。安撫士民。除其虐政。將紂王送入養老宮。擇如微子之賢。以續商嗣。然後自殺。武王雖賢。能得代商否。又不失忠臣孝子之名。惜乎草率做了。一箇孟浪事。

又批

紂王貫盈天心。厭棄久矣。縱有孝子仁人。亦不能挽回愆尤。况如殷洪殷郊二子者乎。取敗耳矣。

第六十回

馬元下山助殷洪

詩曰

玄門久煉紫真官。暴虐無端性更殘。

五厭貪痴成惡孽。三花善果屬欺謾。

紂王帝業桑林晚。周武軍威瑞雪寒。

堪嘆馬元成佛去。西岐猶自怯心剗。

話說黃飛虎大戰殷洪。二騎交鋒。鎗戟上下。來往相交。約有二十回合。黃飛虎鎗法如風馳電掣。往來如飛。搶入懷中。殷洪招架不住。只見龐弘走馬來助。這壁廂黃天祿縱馬搖鎗。敵住龐弘。劉甫舞刀飛來。黃



死下手  
為驗

天爵也來接住廝殺。苟章見眾將助戰。也冲殺過來。黃天祥年方十四歲。大呼曰。少待吾來。鎗馬搶出。大戰苟章。畢環走馬。使鎗殺來。黃天化舉雙鎗接殺。且說殷洪敵不住黃飛虎。把戟一掩就走。黃飛虎趕來。殷洪取出陰陽鏡。把白光一晃。黃飛虎滾下騎來。早被鄭倫殺出陣前。把黃飛虎搶將過去了。黃天化見父親墜騎。棄了畢環。趕來救父。殷洪見黃天化。坐的是玉麒麟。知是道德之士。恐被他所算。忙取出鏡子。如前一幌。黃天化跌下鞍韉。也被擒了。苟章欺黃天祥大幼。不以為竟。被天祥一鎗正中左腿。敗回行營。

殷洪一陣擒二將。掌得勝鼓回營。且說黃家父子五人出城。到擒了兩個去。止剩三子回來。進相府泣報子牙。子牙大驚。問其原故。天爵等將鏡子一晃。即便拿人。訴了一遍。子牙十分不悅。只見殷洪回至營中。令把擒來二將抬來。殷洪明明賣弄他的道術。把鏡子取出來。用紅的半邊一晃。黃家父子睜開二目。見身上已被繩索網住。及推至帳前。黃天化只氣得三尸神暴跳。七竅内生烟。黃飛虎曰。你不是二殿下。殷洪喝曰。你怎見得我。不是黃飛虎曰。你既是二殿下。你豈不認得我。武成王黃飛虎。當年你可記得。我在



殷洪不肯忘本的還是好的只背却師言原不足以定其罪

十里亭前放你。午門前救你。殷洪聽罷呀的一聲。你原來就是大恩人黃將軍。殷洪忙下帳親解其索。又令放了黃天化。殷洪曰。你為何降周。黃飛虎欠身打躬曰。殿下在上。臣愧不可言。紂王無道。因欺臣妻。故棄暗投明。歸投周主。况今三分天下。有二歸周。天下八百諸侯。無不臣服。紂王有十大罪。得于天下。醢戮大臣。炮烙正士。剖賢之心。殺妻戮子。荒淫不道。沉湎冒色。峻宇雕梁。廣興土木。天愁民怨。天下皆不願與之俱生。此殿下所知者也。今蒙殿下釋吾父子。乃莫大之恩。鄭倫在傍。急止之曰。殿下不可輕釋黃家父子。恐此一圓夫。又助惡為讐。乞殿下察之。殷洪咲曰。黃將軍。昔日救我弟兄二命。今日理當報之。今放過一番。二次擒之。當正國法。叫左右取衣甲還他。殷洪曰。黃將軍。今日之恩。吾已報過了。以後併無他說。再有相逢。幸為留意。毋得自遺。伊戚。黃飛虎。感謝出營。正是。

昔日施恩今報德。從來萬載不生塵。

且說殷洪。放回黃家父子。回至城下。放進城來。到相府。謁見子牙。子牙大悅。問其故。將軍被獲。怎能得復脫此厄。黃飛虎把上件事。說了一遍。子牙大喜。正所



謂天相吉人。話說鄭倫見放了黃家父子。心中不悅。對殷洪曰。殿下這番再擒來。切不可輕易處治。他前番被臣擒來。被又私自逃回。這次切宜斟酌。殿下曰。他救我。我理當報他。料他也走不出吾之手。次日殷洪領衆將來城下。坐名請子牙答話。探馬報入相府。子牙對諸門人曰。今日會殷洪。須是看他怎樣個鏡子。傳令排隊伍。炮聲响曉。旗旛招展出城。對子馬。各分左右。諸門人鴈翅排開。殷洪在馬上。把蓋幟指定言曰。姜尚。爲何造反。你也曾爲商臣。一但辜恩。情殊可恨。子牙欠身曰。殿下此言差矣。爲君者上行而下。效其身正。不令而從。其身不正。雖令不從。其所令。反其所好。民孰肯信之。紂王無道。民愁天怨。天下皆與爲讎。天下共叛之。豈西周故逆王命哉。今天下歸周。天下共信之。殿下又何必逆天強爲。恐有後悔。殷洪大喝曰。誰與我把姜尚擒了。左隊內龐弘大叱一聲。走馬滾臨陣前。用兩條銀裝鋼。冲殺過來。哪吒登風火輪。搖鎗戰住。劉甫出馬來戰。又有黃天化接住。廝殺畢。環助戰。又有楊戩攔住。廝殺。且說蘇侯。同子蘇全忠。在轅門看殷洪。走馬來戰姜子牙。子牙仗劍來迎。怎見得這場惡戰。



撲咚咚陳皮鼓响。血漉漉旗磨碌砂。檳榔馬上叫  
 活拿。便把人參捉下。暗裡防風鬼箭。烏鴉便撞飛  
 狐。好殺。只殺得附子染黃沙。都為那地黃天子駕。  
 話說兩家鑼鳴鼓響。驚天動地。喊殺之聲。地沸天翻。  
 且說子牙同殷洪未及三四合。祭打神鞭來打殷洪。  
 不知殷洪內襯紫綬仙衣。此鞭打在身上。只當不知。  
 子牙忙收了打神鞭。哪吒戰龐弘。忙祭起乾坤圈。一  
 圈將龐弘打下馬去。復勝下一鎗刺死。殷洪見刺殺  
 龐弘大叫曰。好匹夫。傷吾大將。棄了子牙。忙來戰哪  
 吒。戟鎗并舉。殺在虎穴。却說楊戩戰畢環未及數合。

打神鞭  
 也有沒  
 用的時  
 節

揚戩放出哮天犬。將畢環咬了一口。畢環負疼把頭  
 一縮。湊手不及。被揚戩復上一刀。可憐死于非命。二  
 人俱進封神臺去了。殷洪戰住哪吒。忙取陰陽鏡照  
 着哪吒。一幌。哪吒不知那裡。帳見殷洪拿鏡子照他。  
 愧不知哪吒乃蓮花化身。不係精血之體。怎愧的他。  
 死。殷洪連愧數愧。全無應驗。殷洪着忙。只得又戰。彼  
 時揚戩看見殷洪拿着陰陽鏡。慌忙對子牙曰。師叔  
 快退後。殷洪拿的是陰陽鏡。方纔弟子見打神鞭。雖  
 打殷洪。不曾着重。此必有暗寶護身。如今又將此寶  
 來。愧哪吒。幸哪吒非血肉之軀。自是無恙。子牙聽說

哪吒更  
 痕




忙會鄧嬋王暗助哪吒一石。以襄成功。嬋玉聽說。把馬一蹤。將五光石掌在手。土望殷洪打來。正是。

發手石來真可羨。殷洪怎免面皮青。

殷洪與哪吒大戰局中。不防鄧嬋王一石打來。及至着傷。打得頭青眼腫。哎的一聲。撥騎就走。哪吒刺斜裡一鎗。劈腦刺來。斫殺了紫綬仙衣。鎗尖也不曾刺入分毫。哪吒大驚。不敢追襲。子牙掌得勝鼓進城。殷洪敗回大營。面上青腫。切齒深恨姜尚。若不報今日之耻。非大丈夫之所為也。且說楊戩在銀安殿。啓子牙曰。方纔弟子臨陣。見殷洪所掌。實是陰陽鏡。今日

箇人窩  
甚巧  
赤精子  
原不濟

若不是哪吒定然壞了幾人。弟子往太華山去。走一遭。見赤精子師伯。看他如何說。子牙沉吟半晌。方許前去。揚戩離了西岐。借土遁往太華山來。隨風而至。來到高山。收了遁術。逕進雲霄洞來。赤精子見揚戩進洞。問曰。揚戩你到此。有何說話。揚戩行禮。口稱師伯。弟子來見。求借陰陽鏡。與姜師叔。暫破成湯大將。隨卽奉上。赤精子曰。前日殷洪帶下山去。我使他助子牙伐紂。難道他不說有此實在身。揚戩曰。弟子單為殷洪而來。殷洪不曾歸周。如今反伐西岐。道人聽罷。頓足嘆曰。吾錯用其人。將一洞珍寶。盡付殷洪。豈





知弟子  
者莫如  
師

知這畜生反生禍亂赤精子命揚飛你且先回我隨  
後就至揚飛辭了赤精子借土遁回西岐進相府來  
見子牙子牙問曰你往太華山見你師伯如何說揚  
飛曰果是師伯的徒弟殷洪師伯隨後就來子牙心  
下懍悶過了三日門官報入殿前赤精子老爺到了  
子牙忙迎出府前二人携手上殿赤精子曰子牙公  
貧道得罪吾使殷洪下山助你同進五關這畜  
得歸故土豈知負我之言反生禍亂子牙道况如  
何把陰陽鏡也付與他赤精子曰貧道將一鴻珍寶  
盡付與殷洪恐防東進有碍又把紫綬仙衣與他護

身可避刀兵水火之災這孽障不知聽何人唆使中  
途改了念頭也罷此時還未至大決裂我明日使他  
進西岐贖罪便了一宿不表次日赤精子出城至營  
大呼曰轅門將士傳進去着殷洪出來見我話說殷  
洪自敗在營調養傷痕切齒痛恨欲報一石之讎忽  
軍士報有一道人坐名請千歲答話殷洪不知是師  
父前來隨即上馬帶劉甫苟章一聲炮响齊出轅門  
殷洪看見是師父便自寸身無地欠背打躬口稱老  
師弟子殷洪甲冑在身不能全禮赤精子曰殷洪你  
在洞中怎樣對我講你如今反伐西岐是何道理徒



正時志  
歷道學

弟開口有愿。出語受之。仔細四肢成爲飛灰也。好好下馬。隨吾進城。以贖前日之罪。庶免飛灰之禍。如不從我之言。那時大難臨身。悔無及矣。殷洪曰。老師在上。容弟子一言告稟。殷洪乃紂王之子。怎的及助武王。古云。子不言父過。况敢從反叛而弑父哉。卽人神仙佛。不過先完剛常彝倫。方可言其冲舉。又云。未修仙道。先修人道。人道未完。仙道遠矣。且老師之教弟子。且不論證佛成仙。亦無有教人有逆倫弑父之子。卽以此奉告老師。老師當何以教我。赤精子咲曰。奇生。紂王逆倫滅紀。慘酷不道。殺忠害良。淫醜無忌。天

赤精子  
主無辭  
以對

必竟亦  
強

之絕商久矣。故生武周。繼天立極。天心效順。百姓樂從。你之助周。尚可延商家一脈。你若不聽吾言。這是大數已定。紂惡貫盈。而遺殃於子孫也。可速速下馬。載悔往愆。吾當與你解釋此罪尤也。殷洪在馬上正色言曰。老師請回。未有師尊殺人。以不忠不孝之事者。弟子實難從命。俟弟子破了西岐。逆孽再來與老師請罪。赤精子大怒。畜生不聽師言。敢肆行如此。仗手中劍。飛來直取。殷洪將戟架住。告曰。老師何苦深爲子牙。自害門弟。赤精子曰。武王乃是應運聖君。子牙是佐周名世。子何得逆天而行暴橫乎。又把寶劍



直砍來。殷洪又架劍。口稱老師。我與你有師生之情。你如今自失骨肉。而動聲色。你我師生之情何在。若老師必執一偏之見。致動聲色。那時不便。可惜前情。教弟子一場。成爲畫餅耳。道人大罵。負義匹夫。尚敢巧言。又一劍砍來。殷洪面紅火起。老師你偏執已見。我讓你三次。吾進師禮。這一劍吾不讓你了。赤精子大怒。又一劍砍來。殷洪發手。赴面交還。正是。

師徒共戰掄劍戟。

悔却當初救上山。

話說殷洪圓手。與師父交兵。已是逆命于天。戰未及數合。殷洪把陰陽鏡拿出來。欲愧赤精子。赤精子見

了。恐有差訛。借縱地金光法走了。進西岐城。來至相府。子牙接住。問其詳細。赤精子從前說了一遍。衆門人不服。俱說赤老師你太弱了。豈有徒弟與師尊對持之理。赤精子無言可對。約悶廳堂。且說殷洪見師父也逃遁了。其志自高。正在中軍。與蘇侯共議。破西岐之策。忽轉門軍士來報。有一道人求見。殷洪傳令請來。只見營外。來一道人。身不滿八尺。面如瓜皮。獠牙巨口。身穿大紅項上帶一串念珠。乃是人之頂骨。又掛一余鏤瓢。是八半個腦袋。眼耳鼻中。冒出火焰。如頑蛇吐信。一般殷殷下。同諸將觀之。駭然。那道人



不知了  
牙得何  
罪于申  
公豹致  
使刻刻  
不忘邪

上帳猜手而言曰那一位是殷殿下。殷洪答曰吾是殷洪不知老師。那座名山何處洞府今到小營。有何事分付。道人曰吾乃骷人山白骨洞。一氣仙馬元是也。遇申公豹請吾下山助你一臂之力。殷洪大喜請馬元上帳坐下。請問老師吃齋吃葷。道人曰吾教吃葷。殷洪傳令軍中治酒管待馬元。當晚已過。次日馬元對殷洪曰貧道既來相助今日吾當會姜尚一會。殷洪感謝道人出營。至城下只請姜子牙答話。報馬報人府中啓丞相。城外有一道人請丞相答話。子牙曰吾有二十六路征伐之厄。理當會他。傳令排隊伍

出城。子牙隨帶衆將。諸門人出得城來。只見對面來一道人。甚是醜惡。怎見得有詩為証。

詩曰

髮似硃砂臉似瓜	金精凸暴冒紅霞
竅中吐出頑蛇信	上下斜生利刃牙
大紅袍上雲光長	金葉冠拴紫玉花
腰束麻絲大極扣	太阿寶劍手中拿
封神榜上無名姓	他與西方是一家

話說子牙至軍前問曰道者何名。馬元答曰吾乃一氣仙馬元是也。申公豹請吾下山來助殷洪共破逆



天大惡。姜尚休言。你開教高妙。吾特來擒汝。與截教吐氣。子牙曰。申公豹與吾有隙。殷洪誤聽彼言。有背師教。逆天行事。助極惡貫盈之主。反伐有道之君。道者既是高名。何得不順天從人。而反其所事哉。馬元馬得大是有理曰。殷洪乃紂王親子。反說他逆天行事。終不然轉助爾等。叛逆其君父。方是順天應人。姜尚還虧你是王虛門下。自稱道德之士。據此看來。真滿口胡言。無父無君之輩。我不誅你。更待何人。仗劍躍步砍來。子牙手中劍。赴面交還。未及數合。子牙祭打神鞭。打將來。馬元不是封神。上人。被馬元看見。俯手接住。鞭

馬得大是有理  
子牙亦  
孫觀對

收在豹皮囊裡。子牙大驚。正戰之間。忽一人走馬軍前。鳳翅盔。金鎖甲。大紅袍。白玉帶。紫驊驢。大吼一聲。丞相。吾來也。子牙看時。乃秦州選糧官。猛虎大將軍。武榮因。催糧至此。見城外廝殺。故來助戰。一馬冲至軍前。展刀大戰。馬元抵武榮這口刀不住。真若山崩地裂。漸漸筋力難支。馬元默念神呪。道聲疾。忽腦後伸出一隻手來。五個指頭。好似五個大冬瓜。把武榮抓在空中。望下一摔。一脚躡住大腿。兩隻手端定一隻腿。一撕兩塊。血滴滴取出心來。對定子牙。眾周將門人。咽喉嚙嚙。嚙在肚裡。大呼曰。姜尚捉住你。也是

這箇是  
索巧送  
命向



這樣爲例，把衆將嚇得魂不負體。馬元仗劍又來搦戰。土行孫大呼曰：馬元，少待行惡，吾來也。掄開大棍，就打馬元一棍。馬元及至看時，是一箇矮子。馬元咲而問曰：你來做甚麼？土行孫曰：特來拿你。又是一棍打來。馬元大怒，好孽障，綽步撩衣，把劍往下一劈。土行孫身子伶俐，展動棍，就勢已鑽在馬元身後。於差鉄棍，把馬元的大腿連腰，打了七八棍。把馬元打得骨軟筋酥，招架着實費力。怎禁得土行孫在穴道上打。馬元急了，念動真言，伸出那一隻神手，抓着土行孫，望下一摔。馬元不知土行孫有地道術，摔在地下。就不見了。馬元曰：想是摔恨了，怎沒這廝連影而也不見了。正是

馬元不識地行妙。

尚將雙眼使模糊。

且說鄧嬋玉在馬上見馬元將土行孫摔不見了，只管在地上瞧鄧嬋玉忙取五光石發手打來。馬元未曾提防，臉上被一石頭，只打的金光亂晃。哎呀一聲，把臉一抹。大罵：是何人暗算打我？只見揚戩縱馬舞刀，直取馬元。馬元仗劍來戰揚戩，揚戩刀勢疾如飛電。馬元架不住，三尖刀，只得又念真言復現那一隻神手，將揚戩抓在空中。往下一摔，也相撕武榮一般。



把楊戩心肺取將出來。血滴滴吃了。馬元指子牙曰。今日且饒你。多活一夜。明日在來會你。馬元回營。殷洪見馬元道術神奇。食人心肺。這等兇猛。心下甚是大悅。掌鼓回營。酒與大小將校。只飲至初更時候。不表。且說子牙進城。至府自思。今日見馬元這等兇惡。把人心活活的吃了。從來未曾見此等異人。楊戩雖是如此。不知凶吉。正是放心不下。却說馬元同殷殿下。飲酒至二更時分。只見馬元雙眉緊皺。汗流鼻尖。殷洪曰。老師為何如此。馬元曰。腹中有些痛疼。鄭倫答曰。想必吃了生人心。故此腹中作痛。吃些熱酒。

如此方  
法真如  
要子

沖一沖。自然無事。馬元命取熱酒來。吃了。越吃越疼。馬元忽的大叫一聲。跌倒在地。下。亂滾。只叫疼殺我也。腹中骨碌碌的响。鄭倫曰。老師腹中有响聲。請往後營方便。方便。或然無事。也不見得。馬元只得往後邊去了。豈知是楊戩用八九元功。變化騰挪之妙。將一粒奇丹。使馬元瀉了三日。瀉的馬元瘦了一半。且說楊戩回西岐。來見子牙。備言前事。子牙大喜。楊戩對子牙曰。弟子權將一粒丹。使馬元失其形神。喪其元氣。然後在做處治。諒他有六七日。不能得出來。會戰。正言之間。忽哪吒來報。文殊廣法天尊駕至。子牙



忙迎。至銀安殿。行禮畢。又見赤精子稽手坐下。文殊  
廣法天尊曰。恭喜子牙公。金臺拜將吉期甚近。子牙  
曰。今殷洪背師言而助蘇護。征伐西岐。黎庶不安。又  
有馬元兇頑濟虐。不肖如坐針氈。文殊廣法天尊曰。  
子牙公。貧道因聞馬元來伐西岐。恐誤你三月十五  
日。拜將之辰。故此來收馬元。子牙公可以放心。子牙  
大喜。若得道兄相爲。姜尚幸甚。國家幸甚。但不知用  
何策治之。天尊附子牙耳曰。如要伏馬元。須是如此。  
如此。自然成功。子牙忙令揚戩領法帖。揚戩得令。自  
去策應。正是。

馬元今入牢籠計。

可見西方有聖人。

話說子牙當日申牌時分。騎四不相。單人獨騎在成  
湯轅門外。若探望樣子。用劍指東。盡西。只見巡哨探  
馬報入中軍曰。稟殿下。有姜子牙。獨自一箇在營前  
探聽消息。殷洪問馬元曰。老師此人今日如此模樣。  
探我行營。有何奸計。馬元曰。前日誤被揚戩這廝中  
其奸計。使貧道有失形之累。待吾走去擒來。方消吾  
恨。馬元出營。見子牙怒起。大叫姜尚。不要走。吾來了。  
綽步上前。仗劍來取。子牙手中劍。急架相還。步獸相  
交。未及數合。子牙撥騎就走。馬元只要拿姜子牙的。



心重。怎肯輕放。隨後趕來不知馬元勝負如何。且聽  
下回分解。

總批 殷洪惡戰苦爭。俱是替紂王添担子。愈顯其  
父惡蹟。真可稱父作子迹。

又批 馬元惡煞也。西方竟收去成佛。予常曰。和尚  
道人心最毒。今觀此。可見成佛的。俱要惡人。  
予友聞斯言。深為予折辨。予因笑謂之曰。兄  
何執着太甚。彼經卷有云。殺猪王屠。棄刀立  
地成佛。斯語豈是誑言。屠戶可是善信。予友  
不覺大笑。



